

天一閣藏明代方志選刊

夏津縣志

夏津縣志序

余往時讀書見顯孫氏所舉楚



文之已令尹必以舊政告新令尹而夫

子許其為忠竊獨以為此而恒人之所

能而君子之細事以子張之賢過推慕

之乃欲擬之於仁雖夫子之不許而亦

以爲患蓋膏肓疥癩也。比余爲令于夏
津而知之矣。始余至夏津其大者欲知
民之性以制寬猛之常物土之利以經
出入之法察俗之高以葺黷儉之中而
山川之理經界之限壤地之生風氣之
習貢賦之入莫多有徵至於道路之淫

來市井之集散官室之興壞溝涂之
通塞所以盡人之情而極事之變曾吏
於是土而施設有益於民與夫不善而
遺後之患足以示勸戒而係人心之好
惡者皆滂不可考蓋為之數月而茫然
願以為簿書之煩密圖籍之散逸可以

樵括而推長矣之觀記後生之傳聞可
以訪詢而得於且也教其神於按數之詳
易其心於迤咨之數暇則出行原野次
舍郊關目之所接跡之所履而所以多
歷而不蓄慮不遺乎其土之宜思不越
乎其邑之制而心不惑乎其人之情乃

得以盡其愚而効其尺寸於職然未嘗
不自歎其勞而惟恐其或失之也使前
之人有以遺我則雖以余之拙且陋然
既者以豫知而先待之於以制政之常
節俗之中經土之法豈不尤為專心一力
而可以蚤有成哉邑之有令其繼者固

未者窮而聰明才知之士加於余什伯
者宜其衆也以其聰明才知而又得
先知豫待夏津之政則其所及於民何
啻如余之拙陋勤苦而僅得之者哉夫
面告之不可幾則真如筆之於書之爲
明且遠此余所以不揆欲者以遺來者

而庶幾乎令尹以舊政告新之忠也其
時河中張歷田公方以使者之費閑府
臨清蓋威明之用而並文武之事進時

中於庭而教之曰夏津雖小亦國之建
邑也而記載缺然陋如之何因指授大
義使歸而成之余既有意於令尹子

文之事而張公又教之使得有成遂
退而與邑之學官及弟子員訂論
志事而特以義例授張生翰弼使執
簡而書焉志未就而張公擢去今三河
次齋王公持節來代諸所施設視張
公不替者有加焉所以寵異時中而教之

使者歲亦如張公也故余得以庚子歲
之春三月歲夏津志為二冊凡五卷以
付梓人因述其所以脩安之本心使覽
者知時中之不肖非有二心之教則亦
莫之能成也若夫志之凡例大以教已
識之於目錄之右方四月朔日易時中

香

武北

縣境之圖

息縣界

香店屯

孫生店

千里長屯

周官屯

大官屯

田高屯

李木虫屯

小官屯

呂屠壩

程官屯

張官屯

大雲寺

王武道

史官屯

小李官屯

陶家橋

東嶽廟

三百里朝

東高唐州界

教場

大李官屯

淡官屯

王武道

許官屯

徐里長屯

張里長屯



高唐州

清南

馬橋

渠

大官橋



城縣界


大胡官屯

八方塔

裴官屯

小胡官屯

渡口驛



北雙廟

朱全屯

潘澤園

長安寺

西直隸清河縣界

南雙廟

靈顯廟

社稷壇

小胡官屯

巡檢司

管河廳

鄧保屯

城

風雲壇

小張官屯

黃官屯

朱官屯

曹官屯

趙官屯

崇壽寺

喬官屯

臨清界

清平兩界


界縣

縣城之圖

邑屬

北

二



千佛寺

東嶽廟

三皇廟

教場

按察司	關王廟	布政司	太僕寺	馬神廟	儒學	敬亭	文廟
-----	-----	-----	-----	-----	----	----	----

城隍廟

龍祥觀

古堤

古堤

涌澤園

彌陀寺

六角廟

養濟院

預備倉

聖陽法

夏津縣

寧遠

德興

晉

府

署

社稷壇

靈顯廟

真

風雲壇

縣治之圖

知縣

縣丞宅

後

東書房

牧

盛架庫

典史宅

縣署

儀

角門

土地廟

榜

西管河主簿宅

主簿宅

西書房

景宅



堂

吏廨

吏廨

兵刑工馬

典史廳

愛堂庫



馬房

角門

門

刑部北監

刑部

監獄

刑部

女監


刑部

刑部

縣學之圖






啓聖公



名宦祠



鄉賢祠



雜志

易子時中曰夫志爲邑而作邑爲地而建也匪地

罔邑匪邑罔志故志邑者必首地理焉地必有所
產財貨出賦役興焉故受之以食貨貨聚而不治
則爭公署官之所居也故受之以官師而繼之以
公署既治而不教則愚選舉教之所成也故受之
以學校而繼之以選舉治民之政多矣惠政其先
焉教民之典詳矣祀典其重焉故受之以惠政而

繼之以祀典有文教必有武備安不可以忘危也
故受之以脩武數者之政舉而聖臣蹟彰則爲名宦
數者之化行而人材出則爲人物故受之以名宦
受之以人物氣數人事之不齊災異生焉受之以
災異有一邑之故實必有一邑之精華受之以藝
文故實之非其大且要者可以別紀而不可以無
紀故受之以雜志終焉

夏津縣志目錄

上卷

地理志

食貨志

官師志

公署志

學校志

選舉志

惠政志

祀典志

脩武志

下卷

名宦志

人物志

災異志

藝文志

夏津縣志卷之一

地理志

志地理何自古辨方正位體國經野四万之志掌
之外史後世郡國載在圖經是故察分星詳建置
辨疆域形勝表其大觀風俗陳其美惡城池募其
高深堤河以窮源委橋梁以紀廢興鄉圖以別里
屯坊市以表宅以列化居終焉志地理

星土

禹貢兗州之域天文虛危之次

時中曰按夏津舊志及東昌府志分註此曰冀州之
域天文昴畢分野考之前史兩漢晉南宋隋皆屬
冀州部恩縣武城皆趙平原君封邑地戰國時時
子守高唐趙人不敢東漁於河疑即高唐之馬頰
河則夏津當爲趙地而高唐之西界也舊志之云
未爲無據及考禹貢冀州既載壺口治梁及岐既
脩太原至于岳陽覃懷底績至于衡漳凡此未有

爲山東州縣者歷代地里指掌圖曰古兗今北京

即大滑濮濟鄆恩德博濱棣滄分乾寧永靜之地

則夏津固在恩博之間也山東通志曰女虛危在

子齊分野註兗州之域東昌府爲聊城爲堂邑爲

莘爲茌平爲博平爲清平爲高唐爲恩爲夏津爲

武城其圖星漢玄枵之次配以山河趙實與焉諸

所考據甚詳而其分配甚精則於天文固當虛危

之次也蓋戰國屬趙漢以後屬冀者歷代沿革之

異而實古堯之地分星之在天者則自天地定位
始要不以沿革而隨以異也或曰大明一統志以
東昌爲危室分野而子不言室何也曰室衛分東
昌之南而夏津則東昌之址也彼以一郡言此以
一邑言故不同耳嗟乎星學失傳天道茫昧自保
章氏以還諸儒爭喙惟僧一行兩戒之說爲近而
所入度數諸有不同時中何人而敢知哉惟敬天
勤民者攷焉

建置

唐虞夏商周屬兗州之域

春秋戰國為趙齊晉會盟之要津

秦屬鉅鹿郡地

西漢始為清河郡之鄒縣

東漢復曰鄒屬清河國先王莽改鄒曰善陸后光武誅莽始復舊名

晉因之

南北朝元魏亦曰鄒屬南清河郡元魏有東南二清河郡鄒時屬南清河故云

隋初廢開皇十六年復置郟屬清河郡又別置夏津屬貝州大業初廢夏津入清河縣

唐初屬貝州天寶元年改郟曰夏津屬清河郡

五代漢割屬大名府

宋金因之

元初屬東平路至元七年改屬高唐州

國朝因之編戶三十里後增爲三十一里

疆域

廣七十里輪六十里

東至陶家橋三十五里橋之東為高唐州地

南至清平縣界十里又三十里為清平治

西至直隸清河縣界賈湖渡口四十里又四十里

為清河治

北至孫生鎮

一名錦川鎮
詳見古蹟

四十里鎮之東壯為恩

縣地西北為武城縣地

東南至高唐州界三十里又二十里為高唐治

西南至臨清州界二十五里又三十五里爲臨清
治

東北至恩縣界三十里又四十里爲恩治

西至武城縣界三十里又二十里爲武城治
郡治自縣而南達之百二十里

藩司自縣而東達之二百一十里

南京自縣而東南達之陸路一千六百里水路二
千一百四十里

京師自縣而東北達之陸路八百三十里水路一千二百二十五里

形勝

左環馬頰右帶衛河古堤繞平東南巨鎮奠乎西

北見堤河志

郟城故國衛水要津見山東通志

古有大河險阻爲齊晉要津且境多佳鎮足爲是

邑之重見郡志

馬頰晴虹

龍灣煙雨 在馬頰河中

衛河古渡

雲寺清涼

寶塔玲瓏

義瑩苔碑

錦川晚眺

郟城曉望 已上八景
見文廟碑

風俗

質直好義有古風烈 隋志

俗近敦厚家知禮遜習俗節儉人多讀書 元志

民務耕稼士習詩書節儉之風自古而存浮華之

俗逮今而革郡志

土風龐厚五龍王行祠記

孟春之月 元日繪門神貼桃符供祖先壽尊
長親朋更相賀歲

春日先期出東郭迓春如期食生
菜迓新元宵造麵餠張燈弛夜
禁

仲春之月 二日用竈灰圍屋避虫鼠

季春之月 寒食斷火祭墓爲鞦韆戲

穀雨禁蝎

孟夏之月 八日僧家浴佛愚民施財

仲夏之月 五日貼門符啖角黍小兒繫綵絲

人戴艾虎行追節禮

季夏之月 六日儲水曬衣造麩醬

孟秋之月 七日閨人乞巧 中元薦新

仲秋之月 中秋羅樽罍觀月華女家逆女

季秋之月 九日蒸花糕造菊酒行追節禮
孟冬之月 一日祭墓焚寒衣

仲冬之月 至日履長之賀亞于歲朝

季冬之月 八日食膾八粥 念四日祀竈

除夕餽歲

時中曰閱前志鄙之俗美矣質之父老有曰然有
曰不然又有曰渠曰然者誇也曰不然者激也吾
聞君子之德風也小人之德草也風行則草偃上

倡則下隨之矣是在父母噫嘻是足以敬予矣

城池

土城周圍七里世傳隋竇建德轉輸之處

國朝天順間知縣薛正築城高二丈闊一丈四門樓

東曰挹暘西曰西成南曰迎薰北曰拱宸窩鋪十

二堞頭一千九百七十有奇池深八尺闊如之弘

治間知縣鄭陽張璈繼脩正德辛未霸州盜起知

縣張翰增脩城高三丈闊二丈四隅建樓窩鋪

三倍厥初門外闐闐外釣橋池深前七尺闊十有
二尺乙亥知縣鮑龍新西成樓嘉靖戊子知縣張
稠新迎薰挹暘樓壬辰知縣劉鑾新拱宸樓丙申
城垣角樓梁頭馳道多圯時中葺之增水溝十有
四丁酉樹棗柳于池之濱戊戌新四門橋規制駸
駸乎備矣

時中曰郇之城池設矣足以爲邑之屏矣然坍塌
之患無歲無之脩葺之功不能不有賴于後之人

後之不繼則缺者日就於頽而後益難於爲力矣
是故先甲三日後甲三日爲政者最當知也雖然
根本之計又有大於此者其尚無忘乎孟氏之訓

時中

又曰今之守令凡城池學校公署鋪舍橋梁

之類以興脩爲大禁廢不舉敝不葺茸荒頽敗落之
甚竟諉之不知是豈有司之得已哉興脩之費不
出之官則出之民出之官則上疑出之民則下謗
故稍自好者則深避而不爲嗚呼已計得矣其如

國何民何士君子立身行己惟求此心之無愧耳
矣疑與謗固有所不暇避况有不至於疑且謗者
則亦何憚而不爲哉城池一事愚竊有一說焉城
以衛民民兵則以衛城者也有事時固將用之無
事時可使自暇逸乎故以民兵之數乘城池之數
畫地使守遇壞則脩遇淤則鑿而又預積磚坯以
待之嚴爲巡視以警之則人人各自爲計既無公
帑之發亦無民財之歛而城池永收高深之利矣

行跡之見不識通方以爲何如敬書以俟后之君子

堤河

古堤自西南來盤曲低昂狀若蛟螭臨清爲會通河所斷逾河而北城之東南復枕其半俗呼爲東堤轉而東北駐柴二庄爲夏津境歷趙家韓家侯家諸庄遠沿迎薰門南揖賜門東之外又轉而東北至桑家店爲恩縣界其委瀕海蓋古之隄防也

月堤在縣治西四十里衛河之東西內岸也外岸

不足以防水患故內堤作焉歲久坍塌缺嘉靖庚寅

河決外堤民廬舍田禾蕩然一空凋敝甚焉丁酉

戊戌二秋河復溢民懼輒馳告時中時中歲發附

近夫八百餘人脩之堤幸以完主簿胡尚仁謀於

時中曰此未足以固永久也無已則脩月堤乎時

中力贊其議請之治河都御史可泉胡公水部

郎盧山邵公咸俞焉己亥春迺發槩縣夫千七

百有五人暨德州九屯夫二百三十人脩之越三
月訖工民其庶有未賴乎是役也德州千戶鈕繼
先裴家園巡檢李宗祿亦與有勞焉

舊堤

東岸北自武城界橫河口南至臨清界二
十里口十有九處共長五千三百一十一
丈七尺
西岸無

新堤

東岸八處共長一千三百九十八丈五尺
西岸四處北自武城之劉家道口南至清
河潘家口共長一
千零八十五丈

馬頰河

在縣東高唐州界三十里李巡曰禹疏九

河河勢方上廣下狹狀如馬頰故名禹貢九河之一
亦名舊黃河其源出大名府開州頰丘北過朝城
西五十里田真廟分而爲三轉而西北復合爲一
又北經莘縣堂邑觀城清平諸縣界入境北流十
五里至陶家橋十里抵下官橋又北流十五里至
董姑橋迤邐二里許出境至津期橋則爲恩縣界
矣其委入海今兩岸相去數多步高平者俱乾旱
窪下者間有積水不通舟楫世傳爲馬頰河○按

馬頰河自北瀆入貝丘至大陸北播爲九河元和
志在德州安德平原之境寰宇記在棣州商河北
輿地記云即通馬河通志畧載馬頰河水須城漁
山之東右河濟河流出故慮城北有灤水自東北
入馬灤水即今濟南西門水是也疑此別河之名
非馬頰河抑九河支流散漫所歷非一處云存之
以俟知者

衛河在縣西四十里其源出河南衛輝府輝縣蘇

門山百門泉東北引滄洹淇三水
流千里爲館陶會漳水又北九
十里爲臨清與會通河合北流
至半壁店入境八里至裴家園
三十里至渡口驛又五里許爲
武城界其委入海漢名屯氏河
隋名永濟渠又名御河即此

汶河在縣治西十五里自臨清
八里灣東北至師家堤口入境
歷馬家寺箭口至南北雙廟又
入晁官營楊官營十八戶至魏
官屯出境爲武城界東

北至陶家店又西北至大王坡爲恩縣界今涸嘉
靖八年均地時已爲徵糧地矣

時中曰古者地有遺利故其利率歸之民而民日
富後世地無遺利故其害恒及於民而民日貧若
沙河者水雖已涸而地可耕然終爲受水之處遺

以在民不亦可乎旣采以徵糧則雨澤過盛卽爲巨
浸賦何以供且地瀕衛河就使吾治之堤永固而
臨清之八里灣武城之東岸一有坍塌沙河一帶

七十餘里皆爲隣國之壑其將柰之何哉噫往年
戊戌之害有足慨矣

橋梁

馬頰橋在縣東南三十里
嘉靖己亥時中脩

陶家橋在縣東三十里
成化間知縣張恕脩

卞官橋在縣東北四十里
成化間知縣張恕脩

屯氏橋在縣東北三十里一名董姑橋
嘉靖庚子時中脩

鄉圖

順化鄉里一圖五

坊廓里 亦名土民里

一圖 張里長屯

二圖 徐里長屯

三圖 許官屯

四圖 段官屯

五圖 史官屯

智遠鄉圖七

一圖 土民里

二圖 查店屯

三圖 胡官屯

四圖 八方塔

五圖 新增里

六圖 田三屯

七圖 于里長屯即
豐稔鄉二圖

孝南鄉圖六

一圖 土良里

二圖 張官屯

三圖 喬官屯

四圖 朱官屯

五圖 董里長屯

六圖 賈里長屯

孝北鄉圖六

一圖 裴官屯

二圖 北雙廟

三圖 南雙廟

四圖 朱全屯

五圖 鄭保屯

六圖 田羔屯即豐

豐稔鄉圖六

三圖 周官屯

四圖 王官屯

五圖 卞官屯

六圖 李官屯

七圖 張官屯

八圖 陳官屯

時中曰縣一也而鄉異焉鄉一也而圖異焉東南

膏沃西北沙鹺且多水患此其地大較也四屯查

于里長裴兩廟 南雙廟號稱極累七屯 田三張官

官田羔共四北雙廟 朱官董里

長賈里長周官兩里智四號稱次累三里土民號

又張官共七智五曰得過此其民大較也要之肥磽貧富參錯其間

是故里役有分數徃役有等則此爲政者最當知

也雖然今日之地力民力皆非昔日比矣爲政者

可無如傷之視哉

坊市

德化坊 在縣治南

永寧坊 在縣治西

喜春坊

在縣治東

聯桂坊

在縣治東

僊梯坊

爲霍毅達

青雲坊

爲朱玉達

鵬搏坊

爲朱衡達

雋賢坊

爲張明達

光裕坊

爲王夢賢達

鴻臚坊

爲王健達

步蟾坊

爲王雄建

義良坊

爲李祥建 已上俱廢

激揚坊

在察院前

承宣坊

在布政司前

育賢坊

在儒學前

武備坊

在挹陽門外

養濟坊

在縣治北

城隍坊

在縣治南

進士坊

爲王雄建

經亞坊

爲朱應昌建

世科坊

爲朱應昌建

登雲坊

爲張鉞建

青雲得路坊

爲高崇建

光遠坊

爲王鵬齡建
已上俱時中脩

縣市

月以一六月爲期

張里長屯市

在縣東南二十里
月以二七日爲期

張官屯市 在縣東二十五里月以五十日爲期

孫生鎮市 在縣北三十里月以三八日爲期

八方塔市 在縣北二十五里月以四九日爲期

渡口驛市 在縣西北三十五里月如張里長屯市爲期

裴家園市 在縣西四十里月如孫生鎮市爲期

夏津縣志卷之二

終

夏津縣志卷之二

食貨志

周禮以司會掌百物財用書契版籍而洪範八政惟
首食貨則生人之所急帝王之所天邦國之所賴固
莫有重焉者矣漢唐以來史各有志然則鄒既有人
有土而有財用矣不紀之後將焉徵爰志食貨

戶口

洪武二十四年

戶六百八十七

口四千二百七十九

此按東昌府志而去非志之誤也土民三里之數也洪武二十五年徙二十七屯于此則生齒繁矣故永樂以後之數倍徙厥初

永樂十年

戶三千六百八十三

口二萬一千五百九十七

天順五年

戶三千三百

口二萬六千三百七十九

正德十年

戶三千六百七十六

口三萬七千四百三十一

嘉靖元年

戶三千六百七十九

口三萬九千二百八十七

嘉靖十年

戶三千六百九十七

口三萬九千一百五十五

時中曰天地生人之權其寄於守令者最近而令爲尤近令得其人則民未有不生者令失其人則民未有能生者是故戶口之登耗係焉然而令之

賢否有非一端姑即審戶言之其過於縱者則以
實在爲逃亡強壯爲老幼固不能察民之奸而失
之苛者則逃亡之丁不爲除豁老幼之丁亦隸差
役其何以遂民之生甚至任情而陞擦其戶黷貨
而輕重其差欲民之生難矣哉嗚呼是可爲於邑
也已

土田

洪武二十四年官民地四千七百三十二頃九十

三畝伍分

綿花地八十七頃八十畝

今無嘉靖八年奉例均糧每糧地一頃科

花絨七兩五錢三分六釐七毫共三萬五千一百五十兩蓋均之槩縣矣

沒官地一十三頃二十四畝九分

今無嘉靖八年均糧每官

地一畝折作民地二畝四分一釐二毫零三忽有奇共折地三十一頃九十五畝七分蓋均作民地矣

民糧地四千六百三十一頃八十八畝六分

今蓋共前沒官地折作民地而通計之矣

嘉靖八年均地量過白地九千七百四十七頃四

十二畝九分八釐一毫

內除九營軍地五百九十八頃九畝六分二毫

教場河岸官地三頃八十八畝五分九釐高唐等五官路地八頃一十五畝七分一釐馬

廠地二頃四十三畝已上免科外白地九千九十二頃三十七畝一分七釐九毫又堆沙

地四十二頃四十八畝九分折白地八頃三十四畝七分三釐四毫共該白地九千一百

頃七十一畝九分一釐三毫每白地一畝九分五釐一毫三絲四忽科糧一畝共科糧

地四千六百六十三頃八十四畝三分

時中曰節賦舊弗均民徃徃逋負嘉靖己丑奉例

均之迺罔有地無賦亦罔有賦無地輕重畫一而
民之逋負者寡矣厥惟休哉然郇壤有白有黑有
沙有鹵且有不犁者不爲區別而堤岸蹊徑之處
一切興科則亦未免爲少失其均者雖然是非有
司之得已也不爲畫一之法而民之奸弊百出矣
後之君子能以意消息乎其間則夫不均之民其
亦有休乎哉

貢賦

歲辦雜色獐羊皮六十五張成化二十一年奉工
部勘合內開本色狐狸皮二十張折色雜皮四十
五張每五張折造或青紅綠胖襖一件每件長四
尺闊四尺六寸中貯花絨共重十斤褲鞋各一付
共折造胖襖褲鞋九付貢之以爲常

洪武二十四年

夏稅小麥一千二百四十一石九升五合
絲綿四十二斤六兩五錢六分

秋糧粟米二千八百九十五石八斗八升零
綿花絨九十九斤二兩

永樂十年

夏稅小麥七千四百九十三石九斗九升零
絲綿二百六十一斤三兩

秋糧粟米一萬七千四百八十三石六斗五升
零綿花絨二千一百九十六斤一十二兩

天順五年

夏稅小麥七千四百八十三石五斗四升一合
絲綿二百六十一斤四兩六錢二分

秋糧粟米一萬七千四百六十一石五斗九升
九合綿花絨二千一百九十六斤十四兩

正德十年

夏稅小麥七千四百八十三石五斗四升零
絲綿折絹二百九疋九寸三分零

秋量粟米一萬七千四百六十一石五斗九升
零綿花絨二千一百九十六斤一十四兩

已上起運
存留無考

嘉靖十年

夏稅小麥起運五千七百八十七石存留一千
六百九十八石四斗六升八合八勺共七

千四百八十五石四斗六升八合八勺絲
綿折絹二百九疋九寸三分二釐二毫五

絲農桑折絹三十四疋四
尺八寸七分五釐俱起運

秋量粟米起運一萬二千五百七十五石存留
四千八百九十一石九升三合九勺共一

萬七千四百六十六石九升三合五勺綿
花絨二千一百九十六斤一十三兩俱起

運馬草起運三萬四百二十五束存留二千三百六十一束共三萬二千七百八十六束

鹽鈔

一萬三百三十九錠一貫起運存留各半

課鈔

九千一百八十一貫三百二十四文

時中曰甚矣書手之害也國儲之所以不克者以之窮民之所以逋竄者以之蓋其始也詭寄其終也內欠其中也又或增減糧數而多寡券之變易分數而重輕之其奸無窮其弊百出甚有難於究詰

者於此而不加之意焉其將何所不至哉是故逃
絕之戶不可謂無也覈其實於未派之先則爲弊
之源可清收除之數勢所必有也謹其防於過割
之際則爲弊之流可止在官有派簿在民有由帖
經收之人又有赤曆簿未必其相授也盡舉而細
覈之果無前數者之弊則書手之弊杜矣書手之
弊杜則賦均而民易輸國之賦亦易克矣上無苛
政下無逋民其利不亦溥哉嗚呼所不利者書手

數人而其所利者一邑之人且書手賴之以全其身則亦未始不為利也後之君子其尚毋忽乎哉

民役

力差歲二百五十五人半徭役銀一千一百五十八兩五錢

門子一十八人察院布政司各二人太僕寺府部山川社稷邑厲壇各一人各銀

五錢本縣六人人各銀一兩五錢儒學三人各銀一兩合銀共一十六兩五錢

庫子三人本縣二人各銀一兩五錢儒學一人銀一兩合銀共四兩

廩給庫子八人半臨清渡口驛人各銀二十兩合銀一百八十七兩

皂隸二十人一本縣直堂接遞人各銀一兩五錢合銀三十兩

掃殿夫一人本縣儒學先師廟銀一兩

牌夫三十二人臨清廠人各銀五兩合銀一百六十兩

館夫三人臨清渡口驛人各銀六兩合十八兩

淺夫八十人本縣河道人各銀三兩合銀二百四十兩

防夫四人武城甲馬營遞運所人各銀四兩合一十六兩

鼓夫二人本縣人各銀五錢合一兩

鋪司兵二十八人本縣人各銀一兩五錢合四十二兩

弓兵二十人

本縣裴家園巡檢司十五人武城甲馬營巡檢司五人銀二兩合四兩

禁子六人

本府二人銀四兩合銀八兩
本縣四人銀二兩合銀八兩

馬快手二十人

本縣人銀各十七兩
合銀三百四十兩

巡攔二人

本縣人各銀一兩
合銀二兩

倉老人一人

本縣預備倉銀三兩

倉斗級六人

本縣預備倉二人各銀二兩
儒學一人銀一兩五錢
臨清倉三人各

銀十二兩合銀共四十一兩五錢

倉夫一人

本縣水次倉銀五錢

銀 一千二百九十九兩二分一釐五絲

紫新皂隸二十三人京班八人兗州府四人本縣十一人各銀一十二兩合

銀共二百

七十六兩

直堂皂隸二人京班人各銀十兩合銀二十兩

柴夫七十七人易州廠人各銀三兩一錢合銀二百三十八兩七錢

木柴銀一十五兩二釐二毫五絲易州廠

料價銀一百七十兩六錢

軍器并脚價銀一十七兩七錢五分

馬夫五人

本縣人各銀四十兩合二百兩

齋夫六人

儒學人冬銀一十二兩合銀七十二兩

膳夫四人

儒學人各銀一十兩合銀四十兩

祭品銀

九十四兩一錢

歲貢銀

三十六兩

鄉飲銀

二十一兩

曆紙銀

三兩八錢六分八釐八毫

公用銀

一百兩

時中曰力役之征民之分也根於心而無所迹於世者也然江南之役恒以十年或以五年甚則二三其年休之日多而役之日少識治君子且慮其三其年休之日多而役之日少識治君子且慮其容曰江南之民力竭矣今山東之役雖曰二年一審要之今年之審此戶此丁後年之審亦此戶此丁蓋無一年不受役者民無息有之期民力之竭何如哉且此外有養馬之役有大戶之役又有不時清募之役民力之竭又何如哉嗚呼馬力之窮

君子且有嚴焉而況於人乎爲有司者不思所以
紓之而且漁獵於其間焉是誠何心哉嗚呼其念
之哉

物產

穀之類九

稷

黍

粟

麥

菽

稂

藁

苴

芝麻

蔬之類二十有二

韭

芥

芹

葱

茄

莧

蕪

蓼

荼

白菜

蒿

菠

苋

苘

菜

菁

蓬

豆

環

菜

馬

胡

蘇之類十

西瓜

甜瓜

黃瓜

筍瓜

絲瓜

冬瓜

地瓜

瓠

壺

匏

果之類十有一

李

柰

桃

杏

棗

梨

梅

蘋婆

葡萄

石榴

沙果

木之類十有二

椿

槐

桑

榆

楊

柳

杜

棠

栢

柘

楮

桐

花之類十有六

菊

萱

榴

葵

金盞

玉簪

鳳仙

鷄冠

薔薇

刺薇

石竹

木槿

扁草

水蓬

十姊妹

滴滴金

草之類十有五

葦

蒿

莎

萍

蘆

稂

莠

芣苢

柔夷

苜蓿

馬藍

牛舌

蓬

猫眼

茨

畜之類十有二

馬

牛

羊

驢

騾

豕

猫

犬

鷄

鵝

鴨

鴿

獸之類八

兔

狐

狸

獾

蝟

鼯鼠

鼯鼠

鼯鼠

鳥之類十有四

鳩

鷹

雀

鵲

鳥

鶴

泉

玄鳥

華虫

鶉

鸚

斲木

編蝠

鷓鴣

鱗之類七

鯉

鯽

鮎

魴

鱣

鱧

鱮

介之類四

鱉

蚌

蝦

螺

虫之類二十有八

蚕

蠋

蚓

蟬

螿

蚕

蛙

蟻

蚊

蠅

蛇

蝎

蜂

蝥羅

蟻國

伊威

蜘蛛

蟋蟀

蝨斯

莎鷄

螺羸

蝸牛

螟蛉

蝴蝶

蜻蛉

守宮

蚰蜒

蟻娘

藥之類三十

枸杞

括樓

牽牛

艾葉

蒼耳

紅花

瓦松

蒺藜

苜陳

益母

荊芥

菊花

薄荷

葶藶

瞿麥

王瓜

鱧腸草

海納子

地骨皮

兔絲子

仙靈皮

天仙子

車前子

馬兜鈴

天花粉

桑白皮

郁李仁

小茴香

紫花地丁

葶藶子

貨之類十有三

絹

紬

綾

絲

綵

蓆

鹽

醃

硝

綿布

綿花

線鞋

線麻

夏津縣志卷之二

終

1171

夏津縣志卷之三

官師志

成周以州長鄉師之職各掌其教治政令之法以
整齊民蓋民非賢不義而官之達凡以爲民也矧
今郡縣之制令以下之職尤爲親民者乎列其姓
氏詳其里居考其行業燁然有聞者凡幾其他則
無所臧否又其甚也則并姓氏而忘之矣噫可鑒哉

職制

漢唐制令丞尉各一人

宋以京朝官知縣事丞簿尉各一人

元置達魯花赤尹簿尉各一人又置典史一員為首

領官

國朝知縣一員 縣丞一員 主簿二員 一員佐縣 一員管馬

弘治十八年革弘治元年添設一員管河 首領官典史一員

儒學 以下皆合屬

漢唐勅置一學擇師設教未有官也

宋景定三年始制主學一員

元教諭一員 訓導一員

國朝教諭一員 訓導二員

巡檢司巡檢一員

陰陽學訓術一員

醫 學訓科一員

歷官

漢三國令丞無考惟列侯載于舊志謹附于左

西漢侯

呂宅

惠帝時以父嬰從高祖破秦定諸侯功封

欒布

景帝時以將兵救齊擊吳楚功封

東漢侯

馬武

光武時以擊隗囂功封

趙苞

靈帝時以擊鮮卑功封

三國侯

朱靈

魏文帝時以從曹操征伐功封

隋縣令

楊善會

弘農華陰人大業中任詳名宦志

唐縣令

李知本

趙州元氏人貞觀初任詳名宦志

宋縣令

凌唐佐

徽州休寧人元符初任詳名宦志

元縣令

梁仲信

保定人元統間任詳名宦志

王士正 至元間任

魏斌 至元間任

王良正 廣平人 至正初任 詳名宦志

張寬

教諭

王佐 高唐人

國朝縣令

史吉甫 洪武間任

薛平 陝西咸寧人 洪武二十八年任 詳名宦志

江溪 永樂間任

薛正 陝西華亭人 舉人 天順二年任 九載考績 百姓保留 復任 五載卒于官 詳名宦志

姚賢 字良佐 山西徐溝人 舉人 成化十一年任 詳名宦志

張恕 字希仁 直隸霸州人 進士 成化十八年任 擢御史 歷任南京兵部左侍郎 詳名宦志

尹凌 字任以 湖廣京山人 舉人 成化二十三年任 以事去

李文 字河南 睢州人 舉人 弘治元年任

宋鐸 字山西 聞喜人 舉人 弘治四年任 歷 五載以憂去 詳名宦志

鄭陽字宗乾直隸安肅人進士弘治十年任擢御史歷任兵部侍郎詳名宦志

張璈字廷和湖廣京山人舉人弘治十五年任歷四載卒于官詳名宦志

張翰字文卿河南中牟人舉人正德元年任後陞東昌府通判尋陞陝西僉事詳名宦志

鮑龍字雲瑞直隸藁城人舉人正德八年任以音事去

賈直儒字宗孟直隸平谷人舉人正德十三年任政寬事若弛而民力頗紓歷九載陞彰德

府通判

張稠字立之直隸完縣人監生嘉靖七年任政嚴民畏奉例均田亦有德于鄉者以事去

程良字養以陝西葭州人監生嘉靖十年任未覲左遷泰安州學正

劉鑾 字朝儀河南唐縣人舉人嘉靖十一年任

易時中 字嘉會福建晉江人舉人嘉靖十五年任

劉璧 字宜獻江西萬安人舉人嘉靖十九年任

時中曰令也姓氏列矣里居詳矣行業之良者吾

得而聞之吾得而書之其不良者吾得而聞之不

得而書焉雖不得而書書其良而其不書者自見

矣 嗚呼後之視今猶今之視昔也其可書耶
其不可得而書耶兩哉陵鑑孰非我師

縣丞

陳榮 洪武間任脩理學校壇壝民甚德之舊志

李禎 直隸深澤人監生成化間任

楊春 河南固始人監生成化間任廉慎有爲見郡志

蘇文 山西興縣人監生成化十四年任

王瑫 四川渠縣人監生成化間任以事去

張洵 順天永清人監生弘治二年任

王育 河南夏邑人監生弘治間任

何興 山西安邑人監生弘治十二年任質直無文廉正不阿丞之優者秩滿去

冉繼宗 山西廣昌人監生弘治十五年以疾去

南玉 直隸良鄉人監生正德五年任卒于官

樊哲 山西榮河人監生正德七年任質直無偽

廉介有爲有何之風秩滿去

楊鵬 湖廣孝感人監生正德十二年任致仕去

秦安 湖廣鄖縣人監生嘉靖元年任有何樊風

韓仁 直隸密雲人監生嘉靖四年任以幾去

閻鏞 陝西安塞人監生嘉靖八年任以覲去

靳森 直隸隆慶人監生嘉靖十一年任致仕去

屈 郟直隸任丘人儒士嘉靖十五年任陞范縣

知縣

蔡 璉河南孟津人監生嘉靖十六年任以事去

陳 山浙江平陽人吏員嘉靖十九年任

時中曰丞丞也元以前不可考矣

明以來所可知者十有九人可稱者僅五人其志無

聞焉何寥寥也嗚呼是豈其志之弗傳耶抑其人

之無足傳耶其人足傳而其志不傳則固為志病
其志傳而其人不可傳則亦不足為其人惜哉念諸

主簿

葉宗文

洪武間任

艾文敬

洪武七年任

李斌

直隸灤州人吏員正統元年任

張名

直隸撫寧人吏員

何宴清

成化間任

張鑑

成化間任

郝遠

山西屯留人吏員成化十四年任

楊祥

直隸慶都人監生成化十五年任管馬

張明 陝西龐州人 監生成化十八年任

謝潤 直隸武清人 吏員成化十九年任 管馬以事去

胡清 廣東樂昌人 監生成化間任

趙安 直隸隆慶人 吏員弘治元年任 以覲去

葉隆 四川蒲江人 監生弘治元年任 管河有能聲

陶洪 監生弘治三年任

趙鑑 山西蒲州人 吏員弘治七年任

成璠 山西陽城人 監生弘治十二年任

程海河南淇縣人監生弘治十四年任致仕去

王鑛山西蒲州人監生弘治十五年任以憂去

李澄山西山陰人監生弘治十八年任管河秩滿去

惠鳳陝西岐山人承差正德元年任管河有能聲

李明河南孟縣人監生正德元年任以觀去

王瑄宣府龍門人監生正德六年任以老去

封忠直隸大名入監生正德八年任管河以觀去

徐錦湖廣公安人吏員正德九年任洽事勤慎有能聲陞萬安縣丞

宋 璉

山西潞州人監生正德十三年任以覲去

張文憲

直隸饒陽人知印正德十五年任以事去

王 材

山西河津人監生嘉靖三年任以事去

石 璋

直隸遷安人吏員嘉靖五年任卒于官

張 金

陝西金州人監生嘉靖五年任管河以事去

李晉陽

李惠明

直隸清苑人監生嘉靖十年任以事去

米應元

直隸開州人監生嘉靖十一年任管河有廉能聲不阿當道以覲去民咸惜之

胡尚仁 陝西金州人監生嘉靖十四年任管河

林友栢 陝西寶雞人監生嘉靖十六年任

王用 陝西富平人監生嘉靖十九年任管河

王綰 山西堯河人監生嘉靖十九年任

時中曰簿也姓氏之可知視丞倍之行業之可稱
則又不及焉豈其職愈卑而其人亦愈卑
哉嗚呼人可以職而為崇卑哉委吏乘田獨非大
聖同安主簿大儒居焉職斯職者其尚知所自愛哉

曲吏

侯昌

張壽

杜祥

黃詡 河南陳州人吏員成化十三年任

朱和

范玘 河南南陽人吏員弘治三年任

蔣見 弘治間任

田翺 直隸南宮人吏員弘治十三年任致仕去

蘇海 直隸玉田人吏員正德元年任以親去

劉 鉞 貴州思南府長官司人承差正德四年任
遇事敢爲禦寇有功幕之優者

周 純 直隸華亭人吏員正德十二年任致仕去

馬文智 直隸遷安人吏員嘉靖四年任以憂去

楊 達 直隸定遠人吏員嘉靖七年任以
覲去

張 璐 河南陳留人吏員嘉靖十四年任

宋 會 河南武陟人吏員嘉靖十九年任

時中 曰世常少刀筆吏刀筆吏何可少也天之生

人厥才惟均利心喪之也克其利心才斯善矣然

一而對往往不能焉此世所以少之也嗚乎如
對者世豈多得哉表而書之以勸來者

教諭

鐘士永 江西泰和人 天順間任

趙文仲 福建莆田人 舉人 成化間任

林良 福建閩縣人 舉人 成化間任

郭聰 直隸廣宗人 監生 成化間任 鷄鳴升堂終
日講論門下 造就者甚多

陳源 湖廣鄱縣人 監生 成化十八年任

鍾宣 錦衣衛人 舉人 弘治三年任

黃秩 福建莆田人舉人弘治十年任學有家傳

邵漳 福建閩縣人監生正德元年任秩滿致仕

劉信 河南鈞州人監生正德十一年任秩滿去

張濟時 直隸衡水人監生嘉靖四年任卒于官

魏汝贊 直隸臨城人監生嘉靖五年任庶正不阿

周瑩 江西崇仁人監生嘉靖八年任作人無敦

王琳 直隸淮安衛人監生嘉靖十三年任

訓導

劉景秀 監生洪武初任

江濂 直隸棗強人舉人天順間任

林旺 浙江象山人監生成化間任

孫進 直隸臨淮人監生成化十五年任

楊深 直隸潼關衛人監生成化二十一年任以
事去

陳文昺 福建永福人監生弘治二年任

呂永福 河南信陽人監生弘治二年任

盧廷琮 河南許州人監生弘治八年任

史璞 浙江長興人監生弘治十二年任以憂去

郭聰 河南封丘人監生弘治十八年任卒于官
重厚少文太古人也

陳璋 河南胙城人監生弘治十八年任

王春 直隸定州人監生正德六年任陞黎城教諭

李憲 河南宜陽人監生正德八年任

劉廷武 羽林衛人監生正德十四年任陞福山教諭
不赴今于夏津家焉

何景哲 南京驍騎右衛人監生正德十六年任

宋希璟 陝西中部人監生嘉靖七年任

李保 直隸唐山人 監生嘉靖九年任

步大綸 直隸廣德人 監生嘉靖十二年任 沉靜簡默 卒于官 士甚惜之

馬九思 直隸新樂人 監生嘉靖十二年任

杜岐 直隸興濟人 監生嘉靖十八年任

楊祿 直隸秦強人 監生嘉靖十九年任

時中曰師儒之責重矣考之舊志未有稱賢于郇

列之名宦者質之士論則又蹟蹟道其師之賢某也文某也行某也能教是

豈士風之厚各阿其所好耶抑舍短求長亦自有足錄耶子也罔知采而志之為師勸焉



巡檢

何榮

浙江平陽人吏員成化十六年任

戴良

直隸寶應人吏員成化十八年任

楊茂

山西襄垣人吏員成化十九年任

王亮

山西黎城人吏員弘治五年任

淦溪

陝西城固人吏員弘治十一年任

門誠

順天昌平人吏員弘治十三年任秩滿去

師表

山西和順人吏員弘治十六年任秩滿去

邢本 直隸雄縣人 吏員正德二年任

李雄 陝西富平人 吏員正德四年任

趙本 陝西華陰人 吏員正德七年任 秩滿去

孫彪 直隸固安人 吏員正德十年任 秩滿去

楊釗 陝西狄道人 吏員

王景 直隸交河人 吏員嘉靖七年任

周天錫 直隸鹽山人 吏員嘉靖十年任

陳彥經 山西渾源人 吏員嘉靖十四年任

李宗祿直隸曲陽人吏員嘉靖十七年任

陰陽學訓術

王斌

王剛

許繼祖

時來

于鯨

醫學訓科

張齡

劉崇

潘仁

公署志

民非官弗治官非署無以出治古之君子居其位則思業乎其官不業其官而居其位則亦奚以署爲也是故行臺駐節當妙過化之神廳壁題名當存去思之愛爰志公署

署舍

縣治舊在城西北隅洪武間主簿葉宗文以推官

劉源宅改今治天順間知縣薛正重修其制中爲正堂五間扁曰牧愛堂堂之後爲穿廊廊之北爲後堂規如正堂又北爲知縣宅穿廊之東北爲書房西爲翼房堂之東爲鑾駕庫三間又東爲縣丞宅宅之陽爲典史宅堂之西爲幕帟廳三間廳之西爲二主簿宅二宅之陽爲吏廨爲馬房堂之南

爲戒石亭東爲吏戶禮房爲承發司爲架閣庫凡
九間西爲兵刑工房爲馬科規如東亭之南爲儀
門三間儀門之東爲土地祠西爲獄舍南爲大門
大門之外東西爲榜棚南爲屏又南東爲旌善西
爲申明亭焉

察院行臺在縣治東洪武間縣丞陳榮建天順間
知縣薛正成化間知縣張恕弘治間知縣鄭陽繼
脩其制正堂五間後堂如之穿廊尉舍吏舍左右

隸舍各三間儀門大門如之外官廳三間

布政司行臺在察院東正統四年建成化二十一

年知縣張恕脩嘉靖十六年春左右隸舍圮時中

葺之其制如察院

太僕寺行臺在布政司東宣德六年建成化間主

簿楊祥脩嘉靖七年圮嘉靖十三年知縣劉鑾建

後堂五間翼房三間堂隸舍儀門址闕有司欲葺

之時絀未遑焉

在縣治西南天順間知縣薛正建成化間縣丞蘇文重脩其制正堂三間後堂五間厨舍吏舍東西隸舍各三間儀門大門如之屏一左爲官廳三間嘉靖壬辰知縣劉鑾改爲惠民藥局

理河廳在縣治西四十里主簿治河處也成化十

七年帶管河道典史黃詡奉檄創建正德元年主簿惠鳳嘉靖六年主簿李晉陽繼脩中爲正廳三間北爲後廳南左右爲廂房各如之儀門一間左

右角門大門亦如之廳之左爲主簿住宅右爲廠
稽草貯焉

裴家園巡檢司在縣治西四十里正統二年建歲

久圯嘉靖十七年巡檢李宗祿重建官廳三間左

右廂房殺之儀門一座左右角門大門各如之左

爲住宅大小房凡十間右爲監房二間以禁盜焉

陰陽學在縣治東街西洪武十七年設嘉靖十一

年知縣劉鑾金脩正廳三間前房如之東西五步南
北六十二步

醫學在縣洽南街西洪武十七年設正德八年知

縣鮑龍脩正廳三間耳房殺之東西八步南

鋪舍

總鋪在縣治街南舊在縣東街北正德元年知

縣張翰毀尼姑寺建今鋪官廳三間門一

郭家鋪在縣治東南十里郵亭一座官廳三間左

右廂房如之門一座鋪司一人兵四人達

齊家鋪在縣治東南三十里制如郭家鋪加牌

坊且宏廠焉司兵數亦如之達高唐路

挹清鋪在縣治西二十五里官廳五間左右廂房各三間門一座鋪兵二達臨清路

八方塔鋪在縣治西北二十五里制司臨清路

迎恩鋪在縣治東北三十里制司兵如挹清鋪達恩縣路○已上郭家齊家八方塔三鋪創

建莫考而挹清迎恩二鋪則嘉靖壬辰知縣劉鑾創建典史楊達與有勞焉

時中曰鋪之設以傳命也夏津舊為山東靜縣鋪

惟四上之達於下則自高唐而齊家郭家以會于

總鋪或之武城下之達於上則自總鋪而郭家齊

家以達之高唐武城亦然未有達之臨清達之恩

者也邇者往來京師取道夏津遂爲南北要衝故
搃清迎恩二鋪專於送迎而傳命不與焉嗚呼送
迎之途啓而夏津之民疲矣不有變計而深爲之
所民力何時其可紓乎

小鋪十有九

高唐路四

臨清路四

恩縣路五

武城路四

清平路二

已上每五里一設廳
房三間土炕一座蓋

專於防
禦云

淺鋪八

趙貨郎口鋪

裴家圈鋪

新開口鋪

草廟鋪

郝家圈鋪

橫河口鋪

小口子鋪

大口子鋪

已上淺鋪在衛河東岸北抵武城南抵臨

清界去縣治四十里嘉靖甲午主簿米應元奉檄脩每鋪廳房三間左右廂房如之門屏各一座牙墻二扇土臺一座高五丈周圍六丈嘉靖丙申主簿胡尚仁脩增井亭一座磚井一眼民稱便焉

學校志

惟后非賢罔又惟賢非學亦罔克成學校者育賢之地而又之基也所關不既重哉是故訓迪之功存乎師儒提調之責存乎有司至其所以自勵以底于成者則又存乎士三者相須以相成也爰志學校

儒學

學在縣治東舊在今學前金大定間建元至元間縣尹魏斌脩至正間邑人劉元素重脩王仲置學

田百畝無今元末兵燬

國朝洪武間縣丞陳榮葺之天順間知縣薛正改建
今學弘治間知縣張璈增脩嘉靖壬午知縣賈真
儒坊育賢合祠鄉賢名宦甲午知縣劉燮亭敬一
箴祠啓聖公未訖去戊戌春時中新號舍別祠名
宦學之規制蓋漸備云

廟制先師廟五間東廡十二間西廡如之南戟門
九間又南櫺星門三間東西兩廡之南角門各一

廟之東北祀啓聖公南祠名宦又南祠鄉賢各三
間

學制中爲明倫堂三間堂之前東爲進德齋西爲
脩業齋各如之南爲儀門儀門之東爲敬一箴亭
直南磬折而西又南爲大門亦如之堂之北爲教
諭宅西爲二訓導宅東北爲講堂號舍凡十七間

嘉靖戊戌時中建也

時中曰學校設矣而士弗成厥咎何居曰師儒師

儒之訓迪嚴矣而士弗成厥咎何居曰有司有司之提調至矣而士弗成厥咎何居曰士夫士弗求成則雖居之以蘇湖臨之以龍龔黃卓魯其孰與成吾故曰三者相須以相成也其交最取哉

在縣治南總鋪之西三間外爲門周以垣焉
在鄉制如之

順化鄉四 張里長徐里長許官淡官四屯 各一區

智遠鄉二 孫生店八方塔 各一區

孝南鄉三

建文在韓家
庄小張官屯

各一區

孝北鄉二

朱金屯
鄭保屯

各一區

豐稔鄉二

卞官屯
張官屯

各一區

已上地
各一畝

時中曰此古問巷之學也聖賢坯樸已造於此矣

人才何患其不盛今之學豈其然乎是故小學書

不得不作而凡學小學者不可不讀也

選舉志

志選舉何古也今之選舉非古之選舉也而古之

何法無古今顧選之者何如耳選以陳群則雖復成周選舉之舊而上無寒門下無勢族法亦今也選以敬輿則雖循近代科舉之制而門皆將相榜稱龍虎法亦古也是故匪明匪公重嗟無材之嘆其亦誣古也已

進士

前代無考

金明昌二年劉濤字及之用戶部尚書孫鐸薦入翰林院歷太原運副汾州倅入爲太

國朝

子贊善以彰德治中致仕尋卒征南節度原塘
良輔葬諸林慮之實嚴有詩五首傳于世

未樂

乙未科曹傑戶部主事

戊戌科陳哲博野知縣詳人物志

成化

壬辰科王雄刑部主事詳人物志

丁未科朱應昌訓導主之子元城知縣陞浙江
道御史詳人物志

鄉貢

前代無考

國朝

洪武

乙未科張

敏

後軍都督府都事

壬午科陳

鼎

晉府長史

永樂

乙酉科劉

銳

東安學訓導

辛卯科商

楫 葭州學訓導

甲午科李

擴 東鹿學訓導

劉

恭 確山學訓導

王

範 尉氏學訓導

癸卯科霍

毅 福州府稅課局大使

宣德

丙午科王

綱 宜川學訓導

景泰

庚午科朱玉

蕪湖學訓導

丙子科王𠄎

尉氏學教諭

天順

壬午科朱衡

丑之弟林縣知縣

張明壽昌縣知縣

成化

甲午科王夢賢

雒縣知縣

弘治

乙卯科張鉞 葭州知州

戊午科高崇 武陟縣知縣

嘉靖

壬午科范濟 州判希俊之子 沅州知州

乙酉科王鵬齡 縣丞廷俊之子

庚子科潘龍 解元

姜贊化 蘭之子

劉維藩 世鬼之子



歲貢 例貢附

前代無考

國朝

洪武

庚辰年魏

敬

甘肅州左衛經歷

壬午年張

隆

廣平府照磨

永樂

甲午年楊

鵬

上橫知州

丙午年韓

麟

工部給事中

戊子年孟

堪

鴻臚寺序班

庚寅年李

綱

陝州知州

壬辰年蘇明撫寧知縣

甲午年高儀北城兵馬司指揮

丙申年李彝鴻臚寺序班

戊戌年朱瞻崇德主簿

庚子年張昭長陵衛經歷

壬寅年杜恭大興左衛經歷

甲辰年陳立嵩縣千戶所吏目

宣德

丙子年孫懋中城兵馬司指揮

戊申年閻昂寶坻主簿

庚戌年董雖光祿寺署丞

壬子年劉敬長安主簿

甲申年許昶蒲城知縣

正統

丙申年吳壽懷來衛經歷

戊午年王琰遵化學訓導

庚申年李

寧

保安衛千戶所吏目

壬戌年劉

端

武功右衛經歷

甲子年房

寬

沅州吏目

丙寅年王

建

鴻臚寺鳴贊

戊辰年孔

矩

蘄府典儀

景泰

庚午年賈

禎

隆平典史

壬申年鄭

謙

蒲州吏目

甲戌年王靜平涼縣丞

丙子年張安淮府引禮

天順

戊寅年李貴常熟縣丞

庚辰年曹芳鞏縣主簿

壬午年遲皐鳳翔府照磨

甲申年李庚南陽府經歷

張興

單信孟瀆河開官

黃鐘睢寧主簿

霍俊潞州倉副使

成化

丙戌年韓縉新城縣丞

戊子年劉昭

庚寅年孟聰河東鹽運司副使

壬辰年丁憲忻州吏目

甲午年宋輝虞城學訓導

丙申年李璋溫縣主簿

戊戌年高岡太原府檢校

庚子年許謹西安府經歷

壬寅年宋鑑岢嵐學訓導

甲辰年耿賢靈川主簿

丙午年王俸四川芒部軍民府經歷

弘治

戊申年宋錫

庚戌年張

瑁南陽學訓導

壬子年劉

亥息縣主簿

甲寅年王德謙

丙辰年張

翔陝西徽州吏目

丁巳年趙

達池州府照磨

戊午年孫崇禎

潞州判官

己未年崔

錦東明縣丞

庚申年郭仲寬

壬戌年宋時胙城主簿

甲子年劉良

正德

丙寅年張謙山陰學訓導

戊辰年尹好學固安縣丞

庚午年竇克齊易州判官

壬申年戴盛平山學訓導

甲戌年范希俊 平定州判官

丙子年王益 涪川學訓導

戊寅年劉璉 未仕而卒

己卯年郝義 遼東都司武學訓導

辛巳年夏天爵

嘉靖

壬午年夏天祿 天爵之弟灤州判官

癸未年王廷俊 上海縣丞

于珣曲沃學訓導

丙戌年姜鴻密雲學訓導

戊子年王華

庚寅年王世臣雄縣學訓導陞莫定學教諭

壬辰年蔣廷瓚

癸巳年劉相

甲午年張翰弼

丙申年姚卿

戊戌年王秉彝德謙之子寧國府學訓導

己亥年王豆益之子

庚子年王文昌益之從子

正德 例貢

戊辰年于璋未仕而卒

侯世寶

劉永濂南昌府檢校

郝存仁四川守禦千戶所吏目

丁珣 曲沃學訓導

丙戌年姜鴻 密雲學訓導

戊子年王華

庚寅年王世臣 雄縣學訓導陸真良學教諭

壬辰年蔣廷瓚

癸巳年劉相

甲午年張翰弼

丙申年姚卿

戊戌年王秉彝

德謙之子寧國府學訓導

巳亥年王豆

益之子

庚子年王文昌

益之從子

辛丑年苑綸

郝存仁 四川寧遠禦千戶所吏目

丁丑年別天叙

張尚賢

劉世英

于鳳

乙酉年孫堂 未仕而卒

于鯤

丁酉年王納言

庚子年李志仁

宋卿

潘紱

于懋德

于懋中

李如桐

辛丑年岳景新

東坡志林

天地之仁有不及帝王之仁有以濟之曰備荒曰
醫藥曰養孤曰義瘞夫天地不能使歲之不荒使
民之不疫使生之有告而死之有歸者天地之仁
有不及也而備之醫之養之瘞之帝王之仁有以
濟其不及也嗟夫此帝王之世所以無弗獲之民
也有司徃徃視爲末務而不之急是豈仁人君子
之用心也哉故特表而志之以爲有司告

預備倉在縣治北宣德間建于各鄉正統三年廢

天順八年知縣薛正改建今地成化十七年知縣張恕嘉靖十年知縣程良十一年知縣劉鑾十六年時中相繼增脩大門三間址向內分二區東區

官亭一座亭之東廩房十二間西九間南壯各七

間外門棧一座西區官亭南北廩門棧各如東惟

東廩十有四間西廩十有五間視東有加焉歲貯

粟穀萬有四千餘石以備賑濟共地二十二畝分四水次倉

水次倉在衛河南岸去縣治四十里成化二十二

年知縣張恕建嘉靖十六年時中重脩大門三間
內官廳五間爲官交兌之處東西廩各九間南廩
六間歲收粟米以兌軍焉

養濟院

在縣治址舊在縣治東南洪武七年主簿

艾文敬建成化十一年知縣姚賢徙今地覆屋以
茅正德八年知縣張翰易茅以瓦嘉靖丁酉時中

葺之己亥春灶房燬復葺之灶房七間中一間爲
官存間處東西房各五間門樓一座牌坊一座曰

養濟院凡民之無告者衣食其中病有藥死有棺

焉東西二十一 步南北二十 三 步共地二 畝一 釐三 毫

惠民藥局在府館之左舊為官廳嘉靖十四年知

縣劉鑾改今局堂三間門一座東西七 步南北三 十六 步共地一 畝

五 釐

義塚即漏澤園在今拱宸門外西北隅民之死無

歸者瘞焉成化十有八年知縣張恕建東西二十 步南北四

十八 步共在鄉亦有之

順化鄉五

張里長屯 徐里長屯 許官屯 淡官屯 坊廓里

智遠鄉一

孫生 店

孝南鄉一

小張 官屯

孝北鄉二

朱全屯 鄭保屯

豐稔鄉一

周官 屯

祀典志

國之大事曰祀以禮而祀有壇壝焉以義而祀有祠廟焉禮義行而幽明之道備是故君子盡人以

合天也理明以格幽也政莫大焉庸敢不自致乎

爰志祀典

先師廟每歲春秋仲月上丁日釋奠

先師孔子

舊稱至聖文宣王嘉靖庚寅改正撤像易以木主四配舊稱國

曰某聖十哲次于四配亦稱東廡澹臺滅明以下某子

五十人西廡宓不齊以下五十三人七十今稱先賢某子

春秋以來諸儒今稱先儒某子**增祀**后蒼王通歐

陽脩胡瑗四人黜申黨公伯寮秦冉顏何荀况戴

聖劉向賈逵馬融何休王肅王弼杜預吳澄十三

人以林放蘧瑗鄭衆盧植鄭玄服虔范甯七人各

祀于其鄉其祭品祭器祭禮暨月朔望晝晨叅如制

啓聖公祠奉

今上皇帝制祀啓聖孔公以先賢顏無繇曾點孔鯉
孟孫氏配先儒程均朱松蔡元定從祀於春秋上
丁日先舉焉

名宦祠祀名宦志所載隋楊善會以下凡十二人
鄉賢祠祀人物志所載元魏朝崔光以下凡十一

人

社稷壇在西成門外少北中為壇方二丈五尺高

三丈西為齋宿所為神厨庫舊為門于南直神之

背今改而西南直北而東蓋神主北歲春秋仲月

上戊日祭之如制東西四十二步南北三十三步共地五畝七分七釐五毫

鳳雲雷雨壇在迎薰門外少西規如社稷舊為門

于北直神之背今改而南蓋神主南歲春秋仲月

上巳日祭之如制東西四十三步南北三十三步共地六畝四分五釐

邑厲壇在拱宸門外少東規如社稷歲春三月清

上
六
上

明秋七月望冬十月朔祭之如制東西三十五

五步共地三畝六分四釐六毫〇已上三壇俱洪

武間縣丞陳榮建天順間知縣薛正成化間知縣

張恕脩歲久垣墉圯

嘉靖戊戌時中脩

鄉厲壇嘉靖元年知縣賈直儒建每里一所各祭

其里無祀鬼神期同邑厲

城隍廟在縣治東南洪武間建天順間知縣薛正

弘治間知縣朱鐸脩嘉靖戊戌時中重脩有堂有

寢室至有東西廊有重門門外之西瀕街有坊凡縣

學官朔望行香如儀水旱疾疫祈禱其中春秋享

于壇祀東西一十八步半南北五十二步共地四畝三釐

馬神廟在太僕行臺之左肇創未詳嘉靖戊戌時

中新之堂三間抱厦一間門一座歲春秋上戊日

祭以牲牢祈馬東西六步南北一十三步共地三分三釐三毫

八蜡廟在縣治北有堂有門歲如祭馬神期祭以

牲帛祈年蝗作亦祈東西一十九步南北六十二步共地四畝九分八毫

脩武志

志脩武何春秋傳曰天生五材民並用之誰能去
兵兵之設所以威不軌而戒不虞也是故民有兵
也牧有馬也軍雖隸于德州而屯于郟亦足以爲
吾之衛也雖然有兵不練與無兵同有馬不蕃與
無馬同有屯不馭與無屯同則夫所以練之蕃之
馭之者其可一日不講哉是故志脩武

民兵

快手二十名

司捕

民壯一百五十五名

守司

弓兵二十五名

緝司

教場在挹賜門外有演武廳有將臺有射侯有轅

門有武備坊縣委佐貳官一員歲時合快壯教閱

其中以防寇盜

東西五十六步三分三釐南北一百六十一步半共地三十七畝九

分八毫

馬政

額養兒馬五十四

騾馬二百匹

群長五人醫獸五人

歲春秋徵大馬各二十五匹以備軍用

牧馬草場四處

東草場地三畝在城東張官屯

南草場地四十六畝在城西少南漢王廟

西草場地一頃三十九畝在城西少北董官庄

北草場地五十五畝在城北岳家屯○舊止牧馬今給民佃種歲輸組銀

九兩六錢二分

軍屯

德州左衛撥軍
耕種凡九處

楊彬屯

縣西北二十五里

楊清屯

縣西二十五里

張廣屯

縣西三十里

亞敬屯

縣西二十五里

褚傑屯

縣西二十五里

楊茂春

縣西二十五里

党興屯

縣西南三十里

黃政屯

縣西南三十里

趙名屯

縣西北二十五里

夏津縣志卷之三終

夏津縣志卷之四

名宦志

宦以名稱志美也志紀名宦史傳循吏一也然以

孟堅而恕杜張以范曄而遺吳祐則於名實之際

豈易言哉是故本之紀載參之父老記載畧之父

老浪之弗敢書也懼誣也紀載載之父老思之弗

敢遺也懼湮也循名責實吾得數人焉噫嘻誣耶

湮耶其得免於孟堅范曄之議耶



名宦

隋楊善會爲邑以清正聞大業中山東盜起善會逐捕皆克賊帥有張金稱者屠城剽邑郡縣莫敢遏善會屢戰皆破之擢拜清河郡丞金稱滅進拜清河通守後爲竇建德所敗欲降之不屈遇害

唐戴元祥

武德四年爲貝州刺史八月丁酉劉黑闥陷鄒元祥死之

許善護

武德五年爲貝州刺史十月癸丑與劉黑

聞戰于郟死之

按戴許二公刺貝州也志之郟何考之唐史武德
間郟屬貝州二公之死爲郟也是故志之用昭二
公之不
朽云

李知本趙州元氏人涉經術孝友于兄弟甚篤大

業末盜賊過其間相戒曰無犯義門貞觀初丑姦
邑唐史謂其承上順下有禮讓君子之風

宋凌唐佐元符間爲郟往決河址疑獄得其情時邑

亢旱唐佐歸雨隨至入號爲縣令雨達爰初提點

京畿刑獄加直秘閣知南京城陷劉豫使守唐佐
與宋汝爲密疏豫虛實遣人持蠟書告于朝事泄
豫捕唐佐并其家唐佐見豫責以大義豫怒殺之
李橫復頴昌言于朝詔贈徽猷閣待制

元梁仲信

取與一毫不苟尤善撫字民甚德之

王民正

興學勸農一年之間政平訟理邑人稱頌

國朝薛平

律已廉潔處事公勤民得其所

薛正剛果有爲一毫不取邑有城池學校公署自

公始焉秩滿當代百姓䟽于朝留之時多建置
或止之公笑曰此非目前計也後正德間流賊攻
郇賴以無虞百姓乃感而泣曰此非薛公百世澤
耶肖像于城隍廟之側以祀有德政碑

姚賢撫字有方六事脩舉民感之如父母今猶思
慕之

張恕禦水患闢荒田蒞任五載德政超卓
旌其能
朝廷

宋鐸小心勤慎政教兼舉官五載終始一節民至

今稱之

鄆陽鋤奸去暴吏民畏服凡百廢墜斬然一新特

以能吏稱後歷陞山東布政爲鄆歲省徭役銀二千
餘兩民困賴以少蘇此其有德于鄆者故民思慕
焉

張璩興學校闢異端六事孔脩四境大治當道以
才堪治劇調諸城父老聞之具奏懇留因復任踰

年卒百姓如喪考妣

張翰政從寬厚有長者風時流賊猖獗迺築城壘

脩隍塹率士民固守賊不能近山東稱保障之功
居最焉民德之爲立生祠以永其祀有禦寇保障
碑

時中曰此皆以宦名者也元以前信諸紀載者也
明以來信諸父老者也信諸紀載者吾不得而復論
矣信諸父老則凡有一行之善一德之及於民者

民不能忘之吾安得而泯之翕然而無以議者則
又當以華亭之薛京山之張爲稱首焉

人物志

人才之生自古及今無間於地其聞不聞幸不幸
也夏津雖小固齊魯之鄉幼而聞長而習久而安
者莫非孔顏曾思之遺訓周公太公之遺烈矧當
王畿之南千里而近

聖明之化視諸邑尤爲最先者乎是故以不幸而無聞

於今者則固莫可考已幸而有聞容可泯乎志人
物

鄉賢

前代無考

元魏

崔光本名孝伯字長仁孝文賜名光家貧好學晝

耕夜讀傭書以養父母泰和六年拜中書博士著
作卽與秘書丞李彪參撰國書再遷給事黃門侍

卽受知孝文亟稱之曰孝伯才浩浩如黃河東注
今日之文宗也每有妖異詔問光詳對婉諫累官
司徒侍中進位太保封平恩侯卒諡文宣子勵爲
太尉長史劾爲中書令諡文貞勳爲清河太守皆
有父風云

時中曰光之才名盛矣位望隆矣然考之史臣謂
其顧懷大雅托迹中庸不免於胡廣之譏則雖有
他美似不足贖大明一統諸人物志且載之豈以

其責人毋求備耶姑仍之以俟正焉

崔鴻字彥威，博光從子，博綜經史，弱冠有著述志，嘗撰十六國春秋，勒成百卷，任魏爲尚書都兵郎中，後遷平州刺史，卒，謚曰貞史，臣稱其立言爲事，亦才志之士也。

崔劼字彥玄，光子，少清虛寡欲，好學，有家風，自開府行參軍，歷黃門侍郎，加國子祭酒，直內省典機，密清儉勤慎，甚爲顯祖所知，拜南清州刺史，有政

績俄受京省尋轉五兵尚書監國史在臺閣之中
見稱簡正世祖之將禪後主先以問劾劾諫以爲
不可由是忤意出爲南兗州刺史代還歷除中書
令加開府特詔文林館監撰新書遇病卒贈尚書
右僕射諡文貞初和士開擅朝曲求物譽諸公因
此頗爲子弟干祿世門之胄多處京官而劾二子
拱搗金爲外任第廓之從容謂劾曰拱搗幸得不
凡何爲不使居省府清華之所而金出外藩有損

家代劄曰立身以來耻以一言自達今若進見與
身何異卒無所求聞者莫不歎服

時中曰此大明一統諸志所遺者也然觀其二子並
爲外任雖以第廓之之請竟無所求則其才名位
望雖不遠光而立身大致有邁乃父多矣是故書
之以俟采焉

宋

馬仁瑀

多力善射周祖召置左右高平之戰周師

不利仁瑀謂衆將曰主辱臣死安用我輩乃控弦
躍馬挺身出陣射賊斃數十人士氣大振漢軍遂
敗績宋初爲密州防禦使太祖征晉陽命仁瑀率
師巡邊契丹素聞其名不敢出盜起兗州仁瑀率
帳下十餘卒入泰山盡獲其黨魯郊以寧遠瀛州
防禦使凡子嘗因醉誤殺平民繫獄當死民家自
言非有宿憾願以過失殺傷論仁瑀曰我爲長吏
而兄子殺人此怙勢爾非過失也豈敢以私親亂

國法哉卒論如律太平興國初移知遼州征太原
擊契丹皆有功遷朔州觀察使

金

宋九嘉爲人剛直豪邁少遊太學有能賦聲長從
李純甫學爲文有奇氣至寧初舉進士歷藍田高
陵扶風三水四縣令咸以能稱後入爲翰林應奉
正大中以疾去歿于癸巳之難

元

劉元素國子生歷官至東蒙知州歸鄉謁先師廟
學見廟廡堂齋頽甚慨然嘆曰此吾所幸藉以出
身者也乃若此不有以作新之其何以風吾鄉子
弟乎于是捐已貲萬餘緡脩之月五踰落成邑之
後學多景慕焉

王仲元至元間拜御史中丞管領汴梁等路諸色
民匠至正間施本縣暨武城學田各百畝高唐倍
之其仗義樂施如此

國朝

陳哲

知博野有善政得民心宣德初以舊官代還博野民訴于巡按御史乞留之御史以聞朝廷謂哲能得民如此即令復任

王雄

性剛方在刑曹時有御史不法衆難其訊付雄雄如律訊焉君子謂雄不畏彊禦越數年勅階承德郎卒

朱應昌

賦性嚴毅居家整肅知元城時勸農桑興

學校寧盜賊平訟獄遁駭有聲

士慶賢

性溫克君御恂恂如也成化間以舉人署

平定學正分俸事親及擢雄尹志稱其廉而勤公
而不阿才思敏達百廢咸興雄稱治焉三年勅階
文林郎尋陞大興尹時闕宦得志慶賢一無所屈
閱三年致仕卒

孝義

國朝

霍俊邑庠生天順間父友才卒俊水漿不入口三日泣血面深墨廬于墓三年有司上其事旌表其門

李聰孝南鄉人性資淳厚成化間母沒廬于墓三年朝夕薦哀痛血出日負土築塋高丈許手植嘉樹千餘株知縣姚賢狀于當道旌之

湯震邑庠生素以孝友聞弘治辛酉母歿哀毀過情殯葬如禮廬于墓次躬負土築墳夜嘗有火光

透坐勢熾若燎原隣者驚悸及奔視則無母在時
嗜菊震使人博求數種植墓前及開花盡白其異
如此

張廬孝北鄉人弘治壬戌夏母卒哀毀踰禮既葬
廬墓三年遠邇稱之

盧璣順化鄉人正德辛未秋劉寇陷高唐時璣往
高唐訪友塗遇寇見其驍勇迫使從曰從我得
不
死璣斥之曰祖名宦兒輩庠生寧從汝爲盜耶賊

怒殺之有司具其事以聞旌之

陳岩智遠鄉人正德辛未秋劉寇肆掠鄉村岩乘馬出里許賊執之見其狀貌魁偉出紅紵衣誘之使從岩擲衣罵曰我良家人詎從汝賊邪遂曳賊墮馬褫刀將砍之俄有數賊至併力敵岩遂遇害有司狀于當道旌之

盧懷順化鄉人正德辛未秋寇陷高唐鄒尹張翰謀謀之懷請行衆以爲不可翰知懷素勇且義竟

遣懷懷行二十里遇賊與鬪斬一賊首并獲其馬
還翰曰懷爲我挫賊鋒矣頃賊擁衆至邑人因易
之協力固守城賴以完寇去尹乃狀于紀功御史
共賞以所獲馬一匹銀三兩

甄彞

孝南鄉人正德辛未寇至攻城夜且急知縣

張翰欲乞兵于臨清兵憲趙公難其人彞請往翰
曰即不虞柰何彞曰欲活萬人豈惜一死翰壯之

彞如城西比隅去未里許賊獲之詰所從來彞給

之曰吾守城人夜來知縣選勇士千人期二鼓襲
大王吾恐其送死也故先遁賊驚曰歎襲我哉遂
釋彘彘既免潛行田禾中之臨清告立憲公援賊
聞之解圍去彘得援兵回具道其事翰嘆曰智且
義其人哉賞予之甚厚

王廷俊正德辛未寇至民怖甚廷俊時爲邑庠生
與其庠友范希俊朱應景劉璉姜鴻等謀曰彼雖
盜賊亦有人心者也諭之以義未必弗憬即弗憬

吾其死守之若何僉曰可迺爲書射之營中賊得
書忿甚攻益力復相與謀曰吾有司治戰守具幸
嚴吾不身先之有司且懈其將若何乃白之教諭
邵君漳等率閩庠子弟分布四城與有司併力禦
之民用是益有固志城賴以完君子謂保障之功
廷俊等實有助焉

時中曰均之義也商陳死矣懷勇焉辨智焉廷俊
等其有成功焉然皆近時事也其人且多有例不

得書不書則無以勸來無以徵後姑書焉且不暇
擬其倫也

貞烈

元魏

孫氏名男玉夫爲零陵縣人所殺男玉追執讎人

欲自殺之其弟止而不聽男玉曰婦人以夫爲天
當親自復雪云何假人之手遂以杖毆殺之有司
處死以聞獻文詔曰男玉重節輕身以義犯刑緣

情定率理在可原其特恕之

按大明一統志山東通志皆以孫氏為平

原鄒縣文考之諸史鄒舊屬清河比齊省入平原縣故以為平原鄒縣云否則豈有二鄒哉今正之

入解貞

烈士

元

王氏馬英妻亡時年二十七矢不再醮遂餓而

死有司以其事聞詔旌表其墓及門至今有墓

在城西

國朝

高氏孝南鄉人王寬義女適齊河縣人魏山正德六年高偕山歸寧道遇劉賊數千騎相失賊執高欲汚之高罵曰寧死肯辱於鼠狗哉賊怒殺之有司以其事聞詔旌焉

張氏孝南鄉人張春女也歲十七適邑人韓俊俊早卒張矢死靡他事舅姑躬紡績爲備其旨及卒葬之如禮年八十餘鄉人稱爲孝節婦

程氏霍濂妻知遠鄉程穆女也年二十五其夫亡

哀毀骨立誓不二志嘗自紡績爲舅姑養舅姑沒
諸子貧窶于外程克襄大事君子賢之年七十餘
卒

孟氏王氏

孟爲姑邑人孟宣女御史朱應昌妻王

爲婦監生王德謙女應昌之男縉妻也應昌病于
京師孟躬侍湯藥不少離及卒守義撫孤縉克邑
庠生縉卒王守義如孟人稱爲朱門雙節嘉靖乙
未撫按表其宅曰節婦王氏之家

蔣氏李經妻高唐蔣林女也經亡時蔣年二十二
舅姑老子天祐甫二週蔣矢死靡他事舅姑始終
如禮及天祐長遊之學宮正德間天祐苦母節告
終養嘉靖乙未撫按表其宅曰節婦蔣氏之家

時中曰光嶽氣分士無全節文文山公有是言也
矧伊婦子其何能淑貞烈之難其人也久矣哉有
而志之可以風矣然非近壤要區巨門芳裔多無
所聞聞而表揚者亦無幾焉貞烈之見知於世也

亦難矣哉是故稽往以彰實所以爲來者之勸采
遺以補畧表樹以維風則尚有所俟

封贈

國朝

王恕

成化乙未年以子雄貴 贈承德
郎南京刑部福建清吏司主事

王與

成化丙午年以子夢賢貴 贈
文林郎直隸保定府雄縣知縣

朱玉

弘治甲寅年以子應昌貴 贈文
林郎直隸大名府元城縣知縣

壽官

國朝

王祥

韓志成 俱成化間

霍宗

孫全

于拳 俱正德間

姜興

楊玘 俱嘉靖壬午年

別賢 嘉靖戊子年

吳鐸

劉傑

岳榮

李軻 俱嘉靖癸巳年

紀臻 嘉靖丙申年○巳上俱遇
恩八十以上冠帶榮身

義官

國朝

李祥正統庚申年二月輸米豆五百石賑通州五月後輸粟豆一千石賑本縣

季和

王禮俱景泰甲戌年奉例輸粟五百石冠帶

孫泰

許詢

韓倫

都末

劉榮

潘廣俱成化丙戌年奉例輸粟二百五十石冠帶

李恭

孟名

徐四

韓魁

王振

劉恭

孫大用俱成化丙申年奉例輸銀五十兩冠帶

霍玘

盧惠

單斌

劉逵

王甫貴

周英

冷秀

單剛

左名

俱成化癸卯年奉例
輸銀五十兩冠帶

潘浩

王恕

王讓

劉和

董穩

郝鑑

郝祥

郝玉

劉傑

孟岩

盧清

盧得春

倪文友

龐玘

俱成化乙巳年奉例
輸銀四十兩冠帶

時中曰人物鄉之望也而封贈壽官義官列焉不

幾於濫乎曰封贈子之能教也壽官善之能積也
義官財之能散也子能教曰慈爲父者可以風矣
善能積曰仁不仁者可以風矣財能散曰義不義
者可以風矣夫是三者雖未足爲鄉之望而亦可
以風夫後之人是亦不足錄乎是故附之於此
使人知所興焉

災異志

志災異何敬天戒也天人之理微矣鎮不犯中牟

電不下下邳此豈無故之獲哉若曰禪竈之言子
產不用而鄭不復災狼犇之說晏嬰不從而齊亦
無敬則吾豈敢則吾豈敢

隋

大業七年冬十月邑人張金稱鄒平人王薄莒人
高士達漳南人竇建德兵起

唐

武德四年秋八月朔劉黑闥拔邑詔發關中兵擊

之六年黑闥爲其下所執以降伏誅

宋

咸平五年邑人趙替妻一產三男

元

至治一年夏四月饑

至元四年春三月大雨雹

十八年蝨

至正六年春二月地震七日乃止

七年三月地震有聲如雷

國朝

正統四年饑

景泰四年饑

弘治五年春正月旱大饑

十五年九月十七日戌時地震如雷

正德六年秋七月流賊劉六等率數千人寇城九月復寇

正德八年夏四月十有一日大雨雹

十五年秋八月十日地震

嘉靖二年春三月饑

九年秋八月大水

十五年夏四月旱秋八月蝗

夏津縣志卷之四 終

夏津縣志卷之五

藝文志

志藝文何文不足徵孔子病之藝文之著堅史載
焉是故奎章宸翰萬世之典謨所係六經子史百
代之道術所關布之海宇萃之學宮無容贅錄惟
夫古今生居遊寓之作爲記述爲賦詠是皆理道
之寓而政治之所關者不有以紀之其何以洩一
邑之精華而爲後人論世尚友之資若乃辨體裁

較工拙而嚴去取則有俟于後之君子

記述

元

重修廟學記

許有壬

御史
中丞

夏津寔古鄆邑庶而教王政莫加焉學宮蒞邑治
巽隅貞祐版蕩巋然獨存學無刻石莫求其故我
朝至元己卯殿將壓覆縣尹魏斌撤而新之承旨
李謙刻文明倫堂禮殿歲久敝甚至正戊子邑人

劉君元素起家成均業儒從政敷歷至東蒙知州
歸不復仕謁廟學見堂宇若在地復不稱撤舊闢
基而一新之又作東西齋神厨割田百畝供祭祀
河南行省叅知政事主守誠爲之記君禮殿若廊
廡已卯至壬辰七十四年風雨敗漏不稱神棲達
魯花赤福僧縣尹張寬顧而嘆曰此吾儕事而軍
興供億力不能及奈何劉君又慨然任之費中統
楮幣萬餘於是殿廡煥然矣殿庭侵隘移置神門

于南表諸通衢是歲六月僞工十月落成寒暑旦
夕躬督不懈工不假入而傭於私財不資衆而出
於家故成事之敏有非榜笞致期之所能及也教
諭高唐王佐走伾請曰劉君之善治邑聞之州人
亦極矣

雖然天下之事似緩而至急者唯學校爲然蓋人
材非一日可成自非總治於弱寇其間因之以父
兄濡染加之以師友漸磨繼之以國家涵養其引

援非不周其敦篤非不至其琢磨非不久一日求
之於千百人中猶不獲一二數何其才之難乎嗚
呼學而不至者有矣夫未有不學而至者也然則
人士獨可無學乎自今以始邑之人凡有子弟者
請以吾言告之

國朝

重脩儒學廟記

崑陵楊璿

陝西布政

粵惟

皇明御極普天率土無一而非興學校之地地靈而
人傑師道立而善人多職此之謂也東昌高唐之
夏津邑厥地在古曰郇儒學肇創之由興廢不一
見於邑志及李待制謙許中丞有壬所爲記請以
今言之儒學在邑治東南隅歷年多殿廡堂舍日
就傾圮而前鄉左方狹隘尤甚行道出入紆曲且
不坦邑大尹平涼之華亭薛君適下車之初瞻拜
聖靈視學舍之敝蓋惻然于念矣因以興作爲已任

相學宮之後得隙地數十畝語諸衆曰退徙于此
規模庶弘厥顧不可乎乃鳩工市材事用畢集經
營者忘其勞協相者周其慮功始於天順五年之
夏五月落成於六年之冬十月其外巍然煥然宗
廟之美改觀于往昔而中之肖像聖賢亦尊嚴起
敬畏也自是士益知學絃歌之聲相繼不輟而文
風勃然興矣所謂地靈人傑其在茲乎雖然爲師
者教人以夫子之道博約兼施爲弟子者受其師

之教而求以不背於夫子之道則庶乎其有所得
師道立而善人多又當次第見之矣薛君治邑甲
一宵能敦化源者也縣丞李禎主簿李斌張銘典
史張壽亦懇懇于是教諭鍾士永訓導江瀛則在
所當務者予自陝入

覲便道是邑士未輦以薛君與學之事告因屬余記
余庸撥其大都俾鑱于石云

黃秩

福建莆田人
本縣教諭

皇朝建文廟於學棧先聖賢神靈春秋二仲之上丁
舉祭所以崇德報功也自生民以來德未有如吾
夫子功未有如吾夫子六經載道天地始終當時
親炙之群弟後代傳聞之諸儒承繼道統其德其
功亦不容泯萬世而下士究遺經以道需時而富
貴榮顯孰非殘膏賸馥所沾被水木本源當圖崇
報則其脩造文廟而竭力以有爲皆職分內事也

矧

皇朝以六事責有司而學校又居其首乎第世之作
邑者有以發身科甲名不藉此而著忽其事於不
足爲有以公帑無蓄措辦孔艱動必傷民損已畏
其事於不敢爲又有剝民膏脂歸已囊篋惟收拾
當路徑由之所以揜其失恬不此之介懷撓其事
於不能爲讀聖賢書志行垢濁惡知德當崇而功
當報耶夏津儒學文廟創於洪武初遷闢於天順
壬午補葺於成化戊戌迄今又二十八年矣殿廡

傾圮貌像遭雨而壞秩承之主此學之教舍泪呈
申當路每欲脩而未得其人弘治壬戌冬十二月
適張公來令此邑下車一見惻然於心遂設法生
財或剖詞訟而罰贖或權事宜而裁取或刪收糧
之積餘或勸尚義之資助隨所入一付之董工訓
術劉崇陰陽生張樂公惟謹出納之簿書驗輕重
之價值而已芒忽無私於事自濟至業東西廡各十
二間增儀門爲九間改櫺星門爲戟門樓三間瓦

寸木絕無舊物開左右角門以便行走高周匝垣
墉以嚴障隄重新大成殿而更其椽棟悉朽之材
木換其脊簷易傾之形勢上下之覆甃者堅且美
內外之丹雘者瑩且華貌像之塑繪龕座之整頓
者雅潔且精詳以癸亥夏四月興工而乙丑冬十
月峻事一邑民人不見科擾故雖知費於今日銀
兩千餘可免幾十年營作扣其此物從何以出皆
曰不知也公於爲令之職盡矣崇德報功之念釋

矣

國家敦尚吾道之意不孤矣。回視忽忽於驕畏於慙撓
於恣而不爲者。人品高下奚翅玉石分。公名璈字
廷和。湖廣京山人也。領丙午鄉薦。屢竒春官而卒。
業成均。平生學術光明正大。故其見諸政治。雄偉
不常。當路每於公勸獎。至有以公材優識敏。款易
治諸城。夏津。士夫耆庶如失慈父母。千里而進疏。

懇留

上允復茲邑衆謂聖賢英爽在天默俾此事之有終
文廟既脩而士氣振作民風還淳吾道之光增倍
矣秩暨生徒欣幸之餘無以誦公之德記公之功
而垂之不朽姑摭數言於石而勒焉然公之政悅
下獲上多矣此直記其在於學校

遵巖王慎中

福建晉江人
河南參政

夏津於山東爲小邑賦入單儉疆理褊迫詩書禮
樂之教缺然不興士無以成其聰明碩大之材然

俗固專慤不雜重生而慎刑吾師易愧虛先生之
令於是邑也力行節儉躬率以德爲之基年民既
觸其事慤之良相與馴習且而悅安乃始謀所以昌
明詩書禮樂之教顧惟

國家造士之典邑立之學教之所出莫先乎是而學
宮傾毀廟宇敝漉不足以居游息起瞻慕慨然有
意于作新之事邑固儉迫難以驟役而大費經度
盈縮議不煩於衆慮不動於民捐廩庠羨鳩工庀

材舉之以次第遲之以歲月明倫之堂先師之廟
煥然改飭翼美廟之廡側堂之齋環之爲垣樹之爲
門與夫庖廩庫廐莫不畢洽祭祀宴射之器稍以
完善作啓聖祠以應

新令拓立學舍

間以待士之來止而脩業

者蓋始於戊戌訖於己亥凡再閱歲先生於夏津
之士民教之欲以成其材愛之不欲傷其力故其
籌之如此之勤而就之如此之徐也初予視山東

學政先生告予以其本意比予再徙官來河南而先生始以書來述其所以而屬予爲記之予考在昔人材之盛俗化之隆莫如成周之世周之所以教人之法何其詳也自鄉射飲酒養老合樂以至勞農訊獄飲至獻馘之事無不在於學其術則順四時而使之絃歌蹈舞讀頌辨說習其筋骨於節度之中一其耳目於聲容之間開之盡其物而充之有以達其材防之多其途而養之有以全其性士之行脩德成而可

以爲世用非獨其質亦先王之所以教之有其具也
今之立學其亦有先王之法也哉惟讀誦之存耳而
使之作爲文詞以徇程式而求合有司之尺寸則其
所存者亦非矣宜乎古之君子有感於古今成材之
難易也蓋予聞之先王之道其立之也微其行之也
著微者立於不可知之表常託於著者以行而著者
所以行其所立故雖煩且密而皆有以達人之材盡
人之性惟其微故無得而加損而著者可以化裁而

變革隆污常因乎時之所宜寬猛常適乎人之所安
先王之爲此凡以禁過御淫去畧撤敵使人自得其
心是以由其法者誦說諷咏則渙然博其理義之趣
擊戛打奏升降俯仰莫不油然而長其莊敬歡愛之情
蓋其不慮之知無體之中無聲之和有以自得而然
也及教之衰漸以放失學者昧其所立而惟著之習
論說之詳聲容之盛益足以失性而叛道其守之愈
嚴治之愈精乃所以爲陷深而去遠老聃莊周之徒

乃始以聖智禮樂爲藝疵淫技澶漫摘僻所以擢亂
聰明滑性命揆人心之具如畢罍鬻筍之足以亂鳥
獸魚鱉於山澤然者其懲之雖過而學者之失性離
道亦無所逃於彼之謂也方舜在深山之中鹿豕之
與遊木石之與居豈有鍾鼓管籥玉帛俎豆之器簡
冊篇詠之文哉然舜用其與野人同者以爲聖而莊
周之所笑比目游夏之徒學於夫子而一再傳者也夫
群於鹿豕而不異野人者不夫其爲舜而誦法孔子

被服周公之文者乃不名爲莊氏之所笑學者亦
可以反其本矣蓋孔子戒小子以學詩可以興觀
而辟且怨其實以之事父事君彼其諷咏而誦說
者皆吾之性情也禮樂之實孟子嘗言之矣曰以
節文而樂夫孝弟而已是所謂本而不可得損益
者也嗟乎今之學者以爲上之所以教我者非有
先王之法也退而自同於鄉人固已卑矣其有志
者必欲反古之道謂不如是不足以爲先王之法

法未可復而身終於無成亦可謂蔽而不達矣故
予於其請文而爲之說使夏津之士姑後其所習
先立其本以自得其心本之既立則其著者固可
以化裁而變革且先王之法自是或因以可復焉
無爲自貶以同於鄉人空言而妄意乎古也

薛侯善政記

海昌朱裡

太僕寺丞

夏津掌教泰和鍾君士永司訓棗強江君濂率諸
生劉佩劉昭輩謁予於寓請曰蔽邑即古之鄆城

也民貧而事夥且界于德州軍衛險詐之是習寇
盜之屢驚在昔號爲難治自吾令之得薛侯也廉
明簡重扶植善類而抑彼強暴且知爲政之本下
車之初首興學校而役不及民仍於聽訟之暇必
進諸生於前以稽學行勤惰故今之科貢得人尤
過於昔其勸民以時樹藝尤諄諄然故吾邑無遊
食之人田無荒蕪之土先是流移於外者肩踵相
接及聞侯名不勞招撫而歸者甚衆其均賦役也

則貧富無怨言其令行禁止也則盜賊屏息凡境
內合祀廟祠與夫靡年之類圮者悉煥然聿新而
雨暘之有弗調侯必憂形于色禱於上下神祇如
響斯應且其發姦擿隱殆有神助若夢男婦稱冤
而辯平原之獄戮其首惡察許貴之婦可疑而執
其奸夫民有兄誘其妹歸將更賣他所而妹不從
即殺而投諸井既又反告爲夫殺者侯爲辯之而
罪其元之類不可數計其他興利除害之政尤衆

更僕不能盡其詳且嚴而不至於暴明而不至於
察其廉也不矯激以求譽其度也似隘而實有容
民感之弗忘于懷歆立石以紀其德而傳於無窮
惟先生惠之文不勝幸甚予以公事倥傯未暇爲
也既而命价不遠千里致書道其惓惓之誠必歆
要予言歸而勒諸石嗟夫予自天順壬午由鳳池
出司馬政分隸山東發軔於東昌郡之所屬州邑
凡十有八其令長以下率多爲保己自營之計間

有異於是者不察察以爲明則縱弛而弗戢民咸
病焉厥後迺至夏津入其境則田無荒穢耕耨以
時而息馬蕃庶固已知其賢矣今雖無求也尚將
獎而張大之以爲牧民者勸矧求之諄切如是耶
夫天生斯民立之司牧豈直使之徒華美其衣冠
呵護其出入措剋聚歛以肥於身家而已哉蓋亦
欲以其能教不能以其賢導不肖耳然世之知此
者又幾何人哉嘗讀兩漢書至循吏傳未嘗不爲

之長太息者何耶方馬遷之作史記非不知循吏
爲可書而勸後也彼以文景之時吏皆循良書之
則簡冊不勝其繁且冗故雖河南令吳公治行爲
天下第一而猶不列于循吏非其有所遺漏也至
班固之傳循吏蓋以武帝時多酷吏而范曄亦贊
夫循良豈非以明帝以後多酷吏歟然而西漢循
吏僅五六人未聞生而有立石頌其德者曄之傳
循吏凡十有三稱良爲樹碑者惟二人焉爾今侯

何以得此於時哉夫世有媚優淫濫之風盛然後
守節之婦爲可旌借鋤德色之俗多然後孝子之
名爲始著今天下良循雖有其人而彼貪暴者似
亦不少然則若侯者蓋絕無而僅有者也寧不爲
世道之幸而爲之大書特書也哉詩曰豈弟君子
民之父母侯既有之矣又曰靡不有初鮮克有終
侯其戒哉毋貽詩人之誚可也若然非惟不負
朝廷付畀之重抑亦不負廣文與諸士子懷賢戀德

之誠也然則他日高爵厚祿孰肯舍侯而他之耶
侯其勉旃侯名正字子貞陝西平涼華亭人明潔
靜精微之上日善政蓋其餘事云

薛侯德政記

東魯許彬

翰林
學士

邑之令於民最親而惠愛易施故民之愛之也生
而父母之歿而蒸嘗之久且不忘復有刻石頌德
垂遺愛於不朽者山東高唐州之夏津縣令薛侯
子貞在官九載其有遺愛於民者歟惟其遺愛之

深故民不忍捨相率立石頌德以示不忘焉其言
曰侯名正陝之平涼華亭人其先家扶風曾大父
鈞寶愛華亭山水明秀遂徙居焉大父克溫洪武
初以孝廉舉官至天台縣簿父岩本縣陰陽訓術
侯幼天性孝友父母愛之厚遣入邑庠從師授經
力學不倦正統丁卯以易經領鄉薦入大學尋命
試事冬官曹天順改元初授今官下車之初憂勤
夙夜軫思民隱鋤強梗而扶善良極顛危而蘇困

厄善政多端未易枚舉歲戊寅民有張行者買妾
郭氏一日其表叔蔡五迎以回家浹旬送之還閱
三數日妾夜奔不知所之後於家前井中得其屍
而五與其母力訟之官以爲張行所殺獄成侯獨
疑未決一夕侯夢郭氏自言殺我非張行實姦夫
蔡五也明公其爲辯之詰旦推鞠果得其情行得
不死閱明年民婦有高氏者與張端潛通謀殺親
夫許貴一日五更時令貴賣綿花一袋往臨清買

物遣人尾其後殺之既報官侯密訪於高氏隣里
得端謀殺之狀潛遣機兵伏屍側葛秫地中而端
果來窺探執之以歸仍不招服驗得端所穿小衣
血痕尚在乃許貴大衣所改者不能隱高與端俱
坐極刑新開街道平闊起立集場以貿遷有無民
甚便之慮強凌弱衆暴寡也置勸善懲惡簿令忠
直者掌之書其所爲善惡四季循環民日遷善興
學校而科貢不乏闢田野而倉庾盈溢迓腐者聞

風而至爭訟者化而爲善國國空虛而犬不夜吠
家給人足而禮讓興行民歌之曰四野熙熙民物
怡怡伊誰之力薛侯之爲又歌之曰賢哉薛侯德
我民厚去而不來民思父母口碑載道傳播遠邇
蓋德政所在民自不忘又况相與出貲勒碑以傳
之無窮哉書其事以告于後之長民者使知好善
惡惡皆出其本情有非矯揉而爲之者焉齊禮幣
而求記者耆老楊昇鄉民吳勝等造於門備道政

蹟遂述事實而次第之

鄭侯德政記畧

王雄

邑人
刑部郎中

今之邑令古之男也於吏有君臣之道於人有父
母之道其任大矣苟非雄才碩德以居之何以布
惠一同宣風百里使吏畏吾威人懷吾惠哉弘治
戊午安肅鄭公陽以丙辰名進士來令是邑其才
明而敏其德寬而秉其學問富知識高而力量大
下車初民情土俗了然心目間凡百廢墜之事次

第舉行首及學校時課以生徒學業以勸懲科貢得人而禮遇之特厚其次於民廬有傾圮者督之補葺田園有榛蕪者導之芟薙又其次於廨宇廟壇橋道鋪堠城池之營壘不斬然一新縣東南要衝有張里長屯令其立市伍以其居民其他如錢穀簿籍必親自檢點以杜奸弊并賦役高下必詳審丁糧以求公平詞訟剖決若石流折服之自不能欺地瘠民苦徭繁存恤之自不虛用徒喇唬刁潑之徒遁形不

敢出戶草竊寇攘之輩聞風不敢入境習俗嫁娶
論財嚴立禁約貧窮喪葬之具盡爲周給夜或庶
其勤於織讀者有賞書或見其莽於耕耘者有罰
導民爲善朔望警以不鐸懼盜爲患城夜邏以金
拚未暮月而夏津翕然歸治又是一乾坤矣其餘
委斷臨清之訟勘問濮州之枉人服如神當道獎
勸者五旌異者四旣而欲以才堪治繁調高密吏
民間之如失怙恃時天官倪公岳舟經渡口老稚

夾岸餘二百人號泣保留雖平陵之於劉寬寬好時
之於李元紘不是過矣倪公抵京遂具其事以
聞蒙

上允復舊任吏民得所望歡聲百里如雷是公之才
德大展於平時故公之威惠自使人畏而懷之於
此日也今公四餘載遂膺風憲之召邑之致政縣
尹王慶賢等謹條公之治蹟無慮數百言懇予纂
之記諸碑予不能文何以模寫公之德政萬分請

辭僉以爲知公深者莫如先生此記垂之千萬載
先生其能辭乎予不佞敢以得於旁觀者書其梗
槩如此

張侯禦寇保障碑記畧

王慶賢

邑人大
興知縣

嘗聞有文事者必有武備文以粉飾太平武以剪
除暴亂二者不可以偏廢也張公以弘治壬子鄉
進士正德丙寅來宰斯邑下車之初開誠心布公

道平易近民寬而有制威而不猛上嘉其廉下蒙
其惠將及六載榮陞有日通變之學轉烈至此文
事無不脩矣邇來流賊縱橫千百成群嘯聚作亂
山東尤甚州縣百有餘處莫敢誰何惟我張公力
誓於衆曰賊不來則已來則必與之抗萬一不然
當以身繼不忍以無辜之民而遭彼戮辱之慘時
又得蓮幕劉君及同胞弟張君乾掌教閩邑邵君
漳司訓胙城陳君璋醫官劉崇分守四門協力贊

相凡從事於公市井諸人星列棊布謹守百雉闔
學劉璉范希俊王廷俊朱應杲姜鴻諸生射書化
喻折以大義公於賊之未至也思預備之方及其
既去也嚴隄防之策晝夜籌畫不遑寢食精選士
卒嚴整噐械城之上下益以墻堞高而且厚池之
內外繚以垣塹深而且堅是年七月初旬忽爾臨
城率衆若林落矢如雨公畧無惧色端坐城上從
容指畫相與拒抗二日箭射無虛發磚石無虛下

賊無何去八月初旬復來屯鄉村公嚴爲之備賊
竟不敢近是武備無不舉矣文事武備二者兼盡
如此又暇疏通四街募民奠居填實空地無慮數
百家視彼之緩急不知倉皇無措望風委靡身家
不保者不無赧顏有一陰德者尚獲陽報矧有此
非常之功蓋亦膺非常之寵乎是宜今日累來當
道獎犒興起吾民之感莫不特此也異日事聞于
朝論功行賞公論昭昭而不容掩非但顯榮公之

一身至於後世子子孫孫享福廕於無窮者又豈
不於此而發軔哉此城陝右華亭薛公諱正者嘗
脩葺於無事之日張公今保全於有事之時脩於
無事之日易全於有事之時難脩之易者固不可
忘全之難者其可忘哉他日有事思張公之功比
於今日思薛公之功又大不侔矣公諱翰字文卿
河南中牟人也劉君諱鉞字大用貴州思南府人
也邑致政張瑁耿賢尹好學義官劉傑耆耆耒紀

等損已資立石于廳塑像于祠徵予記予忻然以爲盛舉弗辭鄙陋畧叙平日文事之梗槩詳著今日武備之謀畧以遠大功利烈期待於後云

重脩大雲寺記

東吳錢溥

翰林學士

山東東昌府北百四十里高唐州有縣曰夏津縣治東三十里有寺曰大雲禪寺有址丘曰真善徒步至京師托

宗人府經歷胡君清請予記其寺之所以廢興之由

蓋清嘗任其府同知故善歆取證于清以信于予
者其言寺倡于金而燬于元

國朝洪武二十四年萊州掖縣民張子福廣始來焚
脩得其徒謝子福寬與之葺一小殿既而廣師沒
善乃拜寬爲師師能遇疾售藥當暑者給漿非其力
不食非其誠不受四衆歸依儲蓄頗饒然師既老
邁乃屬善僧信士葛福政經營相助而規制之遂
大建三佛護法大悲五百羅漢金剛后土北極諸

殿共七座左右伽藍祖師共四座鐘鼓二座僧房
二十間方丈五間又於西南隅置僧塋一所內墳
塔四座普同塔一座與夫庖湍庫庾床榻器皿所
需皆足陶冶丹雘香花供養百爾咸臻始于正統
甲子而完于天順癸未迨二十年間皆郡守徐君
垠縣令薛君正時來贊助檀信士具福成哀然喜
捨暨善信之徒樂慕師道而致是有成也師知功
行圓滿乃於丁丑秋無疾而逝而善也嗣率僧衆

精心苦行夙夜靡懈上祝

皇圖下資冥福力樹藝以自養不蚕食於所施潔香
燈以來勸不赴應以混俗故師雖歿久而如存業
有未就而克完也善性不識文字然說者曰使不
刻堅石以示永久則師德日忘而衆緣易泯矣是
以不遠數千里而奔走來謁也予聞之慨而嘆曰
天下事未有不相濟以有成持實行以得衆者也
而其巧偽之徒方欲智籠天下以自私其不取敗

幸矣尚汲汲以望于有成不亦厚自誣哉今善以
孱然之軀信其師傳而不一卒使曠野一旦金碧
罩飛鐸聞數里而人且歸嚮之恐後是豈智力以
掩寵之不過持實行以相濟焉爾余故有感於天
下之爲事者苟得善之實行而加以問學之功則
何患乎事不足以有成善姓張氏濟南鄒平人也

大雲寺鑄鐘碑記

夫動萬物者首先乎聲故雷以春鳴鐘以曉警也

今夫一歲之間萬物歛乎冬而春則勾萌甲折蟄
飛蟻動勃然以興者由乎雷一日猶一歲也萬物
閉於成而寅則抉矇破昏執事赴工之人奮然而
起者由乎鐘故在易雷出地奮豫先王以作樂崇
德殷薦于上帝夫樂總八音而金爲始終金屬也
先王以之節八風祀上帝佛以之敬皇天時化下民
其用雖殊而取象於雷之義一也佛之教有以哉
余既記大雲寺興造逾月其比丘真善復來請曰

昔寺粗構而吾福寬禪師則謂寺非鐘無以警昏
曉而示教戒又謂鐘非樓亦無以自高以及遠乃
即護法殿左偏數武謀材于匠範金于冶工費浩
繁未易克舉乃仍偕信士葛福正共理其事絕葷
食被草木日募券而夜息積所施金二千五百餘觔
鐘鑄而成之翼然而翬飛躍然而鯨吼川谷俱應
雲日增輝觀者跂視聞者聳聽覺寺益崇而地益
勝矣然非特書而記之何以知吾師屬付之專以

致鐘之成而有所勸乎余峻拒之而善之請益勤
且誠懇有足感人者乃始嘆夫釋之爲教嗜寂滅
而歸空遺聲利而去着宜若不事常迹而有爲托
文字於不泯也而乃能惓惓請文以表其師而身
若無預其爲功者然使儒者皆推是心以往亦何
患德不弘業不廣而風俗不厚也哉王文正謂失
之此而彼得焉余又安得不如其請也夫嗚呼余
又安得不如其請也夫

重脩千佛寺記

項忠福建晉江人
武城教諭

佛氏之教與吾儒不相謀修心煉性明心見性之
論與夫無有三惡八難十纏九惱之說皆予所謂
喻尊信崇奉流蔓遠乎哉夏津邑其東灶阪有千
佛寺唐宋以來古刹也僧人宗保於天順間葺之
歷時既久雖地基猶故而棟宇傾圯中有存者上
漏穿埃蝕垢蒙圖像崩墜登觀者咸以爲嘆時
郡中鐘樓寺有僧曰性惠其徒曰祖興祖賢祖曇

祖寬輩來遊于茲邑人禮之留為住持為大懼區
 位類毀神弗臨享迺募工構而治之大佛有殿神
 像備焉伽藍有殿禪室寓為又備方丈五間并禪
 堂為峻宇高臺端直軒豁綺繡丹青佛像群棲而
 畢會僧家制度煥然一新是寺之脩也經始於正
 德四年四月二十八日落成於正德七年八月初
 一日營董之勞性惠祖興司之贊助之勤邑人表
 現郝福江等裕財好佛之士也性惠祖興皆濟南

人性惠虔恭刻厲知守清規昔脩練縛牛山日僅一
食蓋欲脫去塵慮以入法門亦僧中之竒特者夫佛
氏之教禍福之說既足以鼓天下性惠之清介又如
此是寺之脩宜其成功不難也予正德冬以公務館
于其寺既歸其徒祖興請爲之記予謂佛固得人而
興地亦因人而勝今茲宮室非不壯且麗也朝夕聚
首於是者其人亦足以稱之乎夫不然徒以文繡覆
烏乎宜哉昔荆公捨宅爲寺中立非之會聖處爲齋

作記以鄉人之情則是記殆非予所能也繼而思之
曰性惠事佛之教猶知崇其祠凡讀孔氏之書宗孔
氏之學者報本之誠崇祠之典又當何如也耶因其
有請遂書其事以告吾同志君子云

重修城隍廟記畧

王雄邑人刑部郎中

語曰有民人焉有社稷焉是有郡邑之寄者焉可不
以事神爲先乎應祀神明惟城隍爲最其名肇於古
史之造字其用著於周易之繫文至稽祀典則自漢

迄今遂爲天下之通祀其所祀之者得非以兩賜
不時神其幹之蝗蝻傷稼神其祛之癘疫之災神將
拯之寇賊奸慝神將殄之貪殘嘉政神其鑒之中忠孝
賢良神其福之運其機於冥默著其功於昭明此皆
神之能事矧有土者孰不加之意而重之乎夏津城
隍廟其先後爲政於此者率多繕治但歷歲旣久不
能無敝適弘治辛亥山西聞喜宋鐸來知縣事發身
儒科達於爲政不二載間民事旣治脩舉廢墜迺

謀於僚友經畫厥事功始於五年之五月落成於七
年之八月前殿寢廟繪塑維新有如孔碩奕奕者矣
兩廊神廡增置弘閣前門儀門亦皆夙就似乎有伉
將將者矣廟之前左起賢令之祠右建齋宿之所樹
植槐栢板築堅完與夫學校增置饌厨倉廩脩葺堂
號官廨及社稷等壇府館縣治城池養濟院監房之
屬輪奐壯麗皆宋君經畫之素敏於就事民不告勞
財不傷費厥功一何偉哉茲以父老請予言故樂記

其事俾刻石以垂永久云

又

石山莊一俊

福建晉江人
浙江參政

夏津令易公爲晉江人晉江去齊魯七千里夏津齊

西偏去魯尤遠多用西北土牧之爲風土南北之便

公始以南士居夏津先是晉江明易學倡道術惟夏

津公爲烈既得檄門下縉紳弟子相與言曰公迺居

夏津哉余曰夏津居公實顛公也良農不以地自廢

良學不以邦自泥貴在順時敷土錫教長惠茲爲道

才余夙未及君公門下至如金舟過吳越與共聚京
師其所私淑比諸縉紳弟子迺弗相及而相值故知
公通才也公之謀猷政事皆得諸六經而躬行所難
則自吾泉大司成虛齋蔡公實雋授之故公才爲文
學飭治禮度範民風生喜功名之士始視之若迂遠
無所逞自與馴歲月則君子之道闇然日章善人治
邦勝殘去殺弗難裕也故其居東流教化人士易學
顯行語在東流別傳茲爲政敦重持大體曲體豈先其所

急而心事無幾微不可見知之赤子故公之語言號
令勝於旁郡搃捷嘗憂城隍廟祀弗欲動民財爲輯
民曰公無憂與有人矣有醫官潘仁省祭潘崇者宣
領衆意曰縣空其庫而他動民財非義幸與若共成
之故興作民弗知工木植官弗知財也又四城門外
橋壞民行甚病公憂形顏色召醫官于鸞告之曰始
潘仁輩倡義脩城隍廟獨少讓不爲若石事乎鸞悟偕
諸省祭岳景翠劇文經張朝用門憲分畫地而守之

故一日橋成公皆弗期而富樂助理貧樂歌詠余曰
城隍廟弘治辛亥歲令宋鐸者始一脩今其廊廡門
庭綽於前矣但如潘仁輩弗取必公私辛亥時役有
是事乎左側爲賢令祠右側爲齋宿所齋宿祀神明
惠賢令專爲公俎豆百姓慕宋君當日意若是乎四
門橋惟東填土稍易西南止獨患水更難茲俱易以
磚爲創自今日曩令未有建議者也嗟乎晉江諸縉
紳弟子咸謂公理人脩政茲先王職業常事能無著

矣至如城隍廟四門橋脩百姓若其居處室家然
迺知教化感人效理卓異則余昔日所謂通才者
然則余雖弗及居公門下得之夏津相值早矣廟
始於嘉靖戊戌春二月八日成於是年夏五月一
日橋始於嘉靖戊戌春三月朔日成於是年夏五
月望日公意不欲費二石故二事合書

五龍王祠記

江濂

直隸棗強人
本縣訓導

五龍王祠遠邑治三十里許河名曰深川土風龐

厚河勢旋繞縣令薛侯於政暇率諸僚案循行阡陌察民風適至其地有鄉耆逆諸道而告曰此間龍潭深昧不測天時陰雨雲霧氤氳有龍見焉故每歲風雨適時年穀豐登屢獲其惠侯聞其言遂歷覽之觸目感懷形諸言曰龍以淵爲宅非陸地之可居與雲致雨粒我蒸民非淫祠之可比睠惟舊址非有淵藪不便神棲河源汪洋龍灣頗得其勝曷若徙於此焉迺借僚案暨邑縉紳士夫各捐

俸貲命工鳩材經始厥功越三月告成藻繪輪奐
金碧交輝足以聳人觀瞻而將其誠敬矣迺求予
記予曰侯之奮身魏科來牧斯邑存心以仁律已
以廉興利除害鋤強扶弱百里藹熙皞之治四民
歌父母之賢其政已成而民已化而於龍神尤注
意焉重神所以重農重農所以重民重民所以重
天下國家也薛侯之知所重如此吾知其風雨調
順而求樂夫大有之年倉廩盈實而恒獲夫收成

之富下有益于民生上有裨于國賦其體國爲民之計
審矣厥功顧不鉅哉書此鐫於石以識侯用意之
深焉

重脩涌澤園記

陳源

湖廣鄆縣人
本縣教諭

君子之施澤不惟無間而且無窮焉恭惟山東布
政司大叅邢公宣

上德達下情凡於民間利病休戚罔不周知而尤拳
拳以筭獨爲念以仁愛爲心於流離無主之屍骸

不忍心暴露成化辛丑歲仲冬之吉令府州縣各建
漏澤園以收瘞之誠仁人君子之盛心時夏津縣
尹京兆霸墓張侯由辛丑進士其二丑晉陽蘇君
文判簿保定楊君祥皆豈弟君子也以邢公之仁
愛觸諸公之仁爰於是擇地於城之西北隅計四
畝東西二十步南北四十八步平壙幽靜命工四
面築垣立門於南既告成名曰漏澤園屬予爲記
予惟漏澤園之建其來尚矣考諸古禮月令云孟

春之月掩骸埋胔此先王仁愛之心推及於死者
乃漏澤園之胚胎至宋元豐間睦州陳向以朝官
爲開封府界使者案刑部宿陳留佛寺夜間垣外
若有人聲起燭之積骸蔽野遂不忍奏請官地以
葬之仍建佛寺歲令一僧人以掌其籍此漏澤園
之所萌蘖也迨至我

聖祖神宗相繼以至誠仁愛爲本德澤洋溢於四表
仁恩覃布於八荒尤矜孤寡無祀故設大厲國厲

郡厲邑厲鄉厲之屬以時而祭祀之復達漏澤園
於都城之址以收瘞無主之屍骸使天下後世無
一物不得其所誠所謂天下民物之主也大叅邢
公式而行之是其仁民愛物之餘澤有以徧及於
幽明者歟於戲是園之建不止瘞一處無主之屍
骸彼其四海九州之人凡流移於此死無所歸者
皆於是乎瘞之亦不止收一時無主之屍骸將來
千萬載之遠凡死而無主瘞而無地者悉得其所

矣是澤也豈惟無間而且無窮者乎大叅邢公字
居正京兆霸臺之文安望族也登丁丑進士前尹
獲嘉縣歷守彰德衛輝二府每每舉此盛典乃若
貴名與夫善政具載於德政碑奚容予贅言哉

節義碑記

邵漳

福建閩縣人
本縣教諭

節義人之大閑也立身之大節關焉風俗之盛衰
係焉國家之元氣萃焉其存乎人爲至重矣人之
所以不兼有而全者死生危迫臨於前吉凶利害

遭其變好生而惡死或趨利而避害人欲之私不足
以勝天理之公委靡之念不能以克浩然之氣
徃徃含羞忍恥而爲人所不爲者多矣求其能全
節義者幾何人哉正德辛未歲強賊亂山東攻城
邑殺官民淫人之妻女劫人之財物二載餘矣當
時被其屠戮者極爲慘酷死者不下數萬人間有
忠肝義膽之夫貞烈仗節之婦以爲吾軀可殺吾
節不可奪也吾生可舍吾身不可辱也若唾罵之

睢陽磨頸之林蘊哭市之哀姜投巖之竇女可以
爲儔匹也所以然者蓋以我

朝以德教化乎民以廉恥勵風俗凡忠臣烈士義夫
節婦有實蹟彰聞懿行顯著堪補於治道者無不
旌表其門故此輩蒙

聖化之深涵濡漸染百四十餘年之久一旦臨利害
逼事變其發於衷悃者自有不容已矣有如陳岩
之抗敵不屈商瓛之罵賊被戮高氏之身冒白刃

誓死不辱義氣英風凜凜迫人可喜嘉可仰可慕可
法何異於睢陽竇女之流乎宜有以來當道之贊
揚

奏

聞于

朝褒嘉寵賚立石題名永垂於不朽益以彰風俗之
美元氣之厚治化之深我

國家享祚於億萬年無疆之休也猗歟盛哉予忝掌

夏津教風化之事固其分內也遂喜談而樂道之
仍著爲辭以寓景仰之私云爾

辭曰

勒名金石

質之乾坤

留芳百世

雖亡猶存

光爭日月

顯被殊恩

生賤死貴

利義之門

何悵凋零

何念辜寃

繼躅古人

垂裕後昆

古銅印牌記

許鳳

福建南安舉人

易愧虛父守夏津典法無更偏令無出再葺民用

大和天耆之瑞於八月九日獲古銅夏津縣印牌於
民間視其款識昉製宋太平興國五年十一月也
於今且五百禩矣夫製是噐噐所以青官司之守也
至於湮沒無傳者世代屢更噐亦不得以獨存也
然夏津爲邑不知其紀守是邑之令亦不知其紀
是噐製自古沒自古於今愧虛父始得之其亦有
數乎昔人親祀汾陰始出周鼎妙契神樂始得舜
尺時君相相顧滿志至書史冊以爲光則是噐之

應謂天格循吏之瑞非歟雖然繼是有沒之數猶不可知或者將承用之與是邑相終始乎闔邑人士歡譁並慶爲非偶致之瑞而愧虛方且歎然不敢自居是信能讓大美也抑亦有見夫時豐人和政之瑞有大是者而不美此區區也予遊夏津適見是事敢爲詳其始末以自附夫歎識之可考云愧虛諱時中字嘉會閩之晉江人得是器以獻者邑民許思聰也嘉靖戊戌秋九月朔記

朱門雙節傳

愧虛易時中

福建晉江人
本縣知縣

朱門雙節婦者一爲孺人孟氏故柱史敬齋先生
之妻孝南鄉處士宣之女也一爲王氏敬齋先生
之婦邑庠生縉之妻太學生德謙之女也孟氏生
有淑質溫惠慈良及笄歸敬齋甫八月舅司訓公
沒恒以逮事弗父爲恨事姑劉甚恭謹以孝聞敬
齋舉進士令元城退食必問日今日直民之寃幾
何耶紆若民力而節若民財否耶敬齋每爲改容

深雪節省政聲懋焉擢御史官京師其相之也亦然敬齋疾朝夕侍湯藥不少離及卒誓即死以從亡者既而曰一死固易其如孤何乃扶輿視歸茹辛苦字孤緡夜則燃燈紡績讀緡于燈下每至夜分冀以繩父業而畢父志未幾而緡告夭矣自貴顯時不容飾迨孀居尤任縞素年八十一而終非祭掃不輕出庭戶自幼至終身人未見其笑語亦未聞一詈言鄉人暨大夫士之訓誨其女者必舉

以爲範焉王氏少習儀訓稍長能轍故而行之年
十八適縉二十有二而縉疾時遺姑于孟年且老孤
甫四歲王慮其以姑若孤爲慮而病加常也輒與
言曰遺姑有妾遺妾有孤幸勿以此爲慮既而縉
不起孤且繼亡王慟哭幾不有生及蘇泣謂姑曰
妾幾負吾姑矣妾與孤死孰與姑生妾不忍以小
節而棄吾姑乃忍死養姑勤紡織以易其旨家雖
極窘而奉姑極怡如是者幾三十年及姑沒乃留

殯於中堂冬溫柩以被夏扇柩以扇每食必薦於
姑而後食如是者又七年齊衰之服至今未釋蓋
將終身焉其節操之貞雖兄弟之家且不往焉又
以嗣敬齋當惟其人擇夫從弟庠廩生廷偉之子
周立之善後之慮有如此者嘉靖歲壬辰署學事
郡博士袁君魯暨庠生王子豆輩狀其事于巡撫袁
公督學陸公將以聞于

朝旌之未幾二公去事遂寢歲甲午督學葉公至閱

故牘得之復舉以聞于巡撫管公移文刻石其門
朝家表樹之典尚有待云

愧虛子曰天地義氣磅礴於宇宙六合之間臣得
之而爲忠女得之而爲烈是皆足以凌光岳而厲
冰霜振頽風而洗汚俗

國家所恃以爲治化工所恃以無缺焉者也然男稟
剛健而義氣居歛尚有朝冠暮臣如馮道而不耻
者而况於柔順之女子哉扶目去夫於生存之時

反唇稽姑於富安之日有如衛共姜陳孝婦之各
專其美者已爲古今絕唱矣而況於節孝俱全哉
若朱門雙節婦者孟維居先有典有刑王尤倍之
克繼克承嗚呼以男子所不能盡之倫而盡之於
一身以女子所不能兼萃之美而萃之於一門豈
惟可風婦人且可以風人臣矣其於世道不有
補乎哉嗚呼此吾所以綜其成事而樂爲之傳也

又

雙槐張漢弼

邑人太學生

雙節傳者傳郇孟氏王氏之節也孟氏誰郇人孟
宣女也生十四年歸朱敬齋公歸之年敬齋公從
其父慎獨公分訓直隸之蕪湖孟之蕪湖南八月
慎獨公沒于蕪湖敬齋公自蕪湖葬於郇孟相之

克襄大事養母劉如慎獨公存服既闋敬齋公遊
郇庠孟相之以善說詩名歲成化癸卯敬齋公舉
于鄉亞魁越丁未登進士第尹直隸之元城迎劉
養焉孟奉劉之元城以尹養養三年敬齋公以政

績被召京師拜浙江道御史復迎劉養焉孟奉劉
之京師以御史養養踰年劉沒矣敬齋公自京師
葬于郇慎獨公室孟相之如慎獨公之沒服既闋
敬齋公以御史之京師子孟之京師子縉字大紳者
從時大紳業已遊郇庠然其年童也未踰年敬齋
公沒矣孟自京師葬于郇慎獨公之室之側既葬
孟矢不下堂飲食必薦先蠶績成必告朱孟之族匪
女子不以見面君子賢之未幾年縉壯矣孟爲之

娶王氏王氏誰郇太學生德謙女也既娶誨之曰
善相縉無作先人羞因道已所相敬齋公者王曰
唯敢不恭命詒母懼乃相大紳善說詩如敬齋公
遊郇庠時歲弘治乙丑王哉生子子生四月大紳沒

矣沒無何孤不祿矣王葬大紳敬齋公之室之側
既葬王矢知姑飲食之薦如姑蠶績之成之告如
姑朱孟王三族匪女子不以見面如姑君子賢之
歲嘉靖戊子孟有疾弗豫因語王曰吾死宗祀爾

尸爾死尸之者誰乃泣下泣罷復語王曰古人無
後擇族人之子子之綿宗祀也予聞廷偉子名周
者良爾好圖之圖之得爾先人可不死已言畢沒
王殯之中堂既殯乃以媪爲廷偉徐徐道毋遺命
廷偉許之王是以得子周時周年甫成童也子三
月王葬孟敬齋公之室服既闋周壯矣王乃爲之
娶邴氏邴氏者武城邴仲山女也既娶王語之相
周如孟始語已言邴是以相周周是以進德脩業

所造未可量也是舉也孟主之王成之節之大也
君子以是愈賢孟死不忘宗祀愈賢王即未亡能
立後也是故名之曰雙節而爲之傳昭不朽焉

題詠

金

小雪

劉濤 邑人

黃紬被暖起還慵小雪經簷落旋空舊館簿書寬
半餉冷宮庭戶滿西風馬遭萋萋窘三山瘦人坐詩

工五鬼窮安得東風屬桃李也教春色到衰翁

和德鄉雪

德鄉周昂之字

南華香火是真依不學呼鷹雪打圍梁苑舊遊荒
徑改穎濱新唱綵牋飛春生東閣酣朝飲寒入西
隣泣夜機夢寐扁舟釣江水重嗟白髮此心違

井陘

寒厭歲崢嶸山陰日少晴敗眠鷄小梗勸坐火多
情便面堪長路牽頭破老兵誰教戀升斗盡室此

途行

宿平遙集福寺

院僻和僧靜
門閑與晝長
燕泥朝雨淖
蛭藥晚風香
野興煎詩思
乾秋繞客腸
青奴如解事
供我暮窓涼

送王純叔守曹州

栢路人看御史
驄年來眼落落
簿書叢單車乍別
金鑿日五馬頻嘶
玉勒風故國
山河連小郛
舊家鷄

犬識新豐遙知別夜詩成處醉袖淋漓空金炬紅

國朝

八景

鐘士永 江西志和人本縣教諭

衛河古渡碧流長雲寺清幽暑亦涼馬頰晴虹懸

欲隱龍灣煙雨霽還漾義碑苔長字難讀寶塔玲

瓏巧異常錦水臨觀明道體郟城曉均玉杯霞光

馬頰晴虹

馬頰河邊晝夜流晴虹儼若未曾收遙觀似彩千

層起遠望如橋百里浮霽色重重斜飲澗晴光疊
疊迥涵秋當年大禹平成跡猶有奇勲萬古留

龍灣煙雨

湍急波流百尺瀾居民指說是龍灣輕煙渺渺猶
生雨和暖融融尚帶寒淑氣備能蘇物性甘霖頻
見濟時乾豐登五谷民生足鼓腹謳歌樂治安

衛河古渡

衛河古渡界鄆城一派洪流拱

帝京萬里遠通文廣地四時常帶霧煙清陸經南北
依稀見舟艤東西密邇橫漕運便民克國用謳歌
擊壤樂昇平

雲寺清涼

無城無郭又無峯高聳梵王一座宮百尺法容金
燦爛幾層殿閣玉玲瓏西方境界無塵到東海蓬
萊有路通寄語禪門諸弟子好傳衣鉢振宗風

寶塔玲瓏

寶塔玲瓏聳碧霄功成未否在何朝舒懷歷覽乾
坤秀極目登臨景物饒石戶丹梯臨漢表畫簷金
鐸響空曹鄒城梨庶瞻依樂永祝

皇圖壽域高

義瑩苔碑

積德王門義氣賢門因義氣有人傳百千美譽人
何及十萬芳聲孰與肩仁似春融能惠衆財如泉
湧更循天雲仍繼世今繩藝留得苔碑百世綿

錦川晚眺

幾度來遊愛晚涼
蟬聲不斷送斜陽
趙燕聘地千年遠
齊晉盟方百世長
日暮平原雲黯黯
春和大地草茫茫
英雄百萬成寥落
每到登臨倍感傷

郟城曉望

萬里雲收雨霽天
郟城注目樂天然
煙含曙影千村曉
花吐濃芳百世妍
綠樹人家鷄犬接
大田禾黍陌阡連
登臨眺望歸興久
賡歌康衢樂有年

察院行臺

東塘毛伯温

江西吉水人
都御史

齊魯頻來往
初經此夏津
風烟連野暗
花柳近村
明暫憇還景
發微吟
須夜烹
乍離妻子累
對日坐
踈楹

和東塘韻

往歲流賊為害常有
事東土茲過此有感

黼菴

昔日經行地
無勞更問津
豺狼形屏絕
間巷語分明
解瑟有時解
烹鮮還戒烹
重來增感慨
秉燭坐
前楹

二江俞稷浙江建德人
監察御史

攬轡清源道東來第一津
草連荒外白沙近渚邊

明持節勞傳食捫心媿大烹
停驂驚薄暮明月上

簷楹

歷田張邦教山西蒲州人
兵備副使

盡日紅塵裏更深抵夏津
龍灣河道舊虎節使星

明治世須梁肉要君戒
割烹行藏吾自在點檢對

虛楹

訥庵程嘉行江西樂平人
工部員外

奉使清源道知津不問津雲深晨樹暝天迫落霞
明酒旆因風動茶爐和月烹傳驂誰是伴公署兩
三楹

裕公盧問之山西朔州
人
僉事

逐隊風塵裏清宵坐夏津秋江霜露冷雲漢斗牛
明有紀縻微祿無庸飽大烹幽懷渾不寐孤月照
虛楹

江夏詹文光

湖廣人
戶部主事

纔出清源路行行又夏津山還衝雪冷柳款向春
明到處驚傳食逢人笑割烹行藏知有定把酒對
簷楹

河濱石存仁

山東德州人
四川參議

三宿太平道遲遲纔夏津寸心隨路草回首夕陽
明有志當弧矢無能愧割烹均勞臣子分星劍炤
踈楹

寓夏津公署望

賦此紀行蹟

天合陳子直

四野雲酣朔吹鳴
衝寒宦跡此兼程
觀風問俗皆吾事
伏軾乘軒不世情
地接海天同一色
人於冰雪鬪雙清
乾坤浩蕩君恩在
芹曝中懸一念誠

過夏津候

駕雨中一首

巳亥春三月念又四日

松陵周相

直隸吳江人參議

細雨青袍潤
輕陰紫蓋浮

皇情觀物化
孝感動

宸遊花擁千官佩
麤來九陌秋孤臣
欲獻

主無計免征求

途中即事次松陵韻

文峰鄭詹夫

福建莆田人
戶部主事

深村鷄犬寂
平野水煙浮
落日驅牛返
臨風放鶴
遊陰連桑柘
雨黃近麥苗
秋撫景即真樂
人生何
所求

遊大雲寺

休齋沈鍾

山東
金提學

巋然梵刹夏
津東萬木叢
深一徑通
滿路飛香三

數里統簷鳴鐸半虛空
回翔鶴鶴翩翩下導引
袈
袈箇箇同除却靈巖堪
伯仲其它瑣瑣敢爭雄

寺好無如此大雲而今始見昔徒聞倚天臺殿相
高下匝地氤氳半吐吞老衲棲禪魔已定流泉出
樹脉平分詩題不染塵氛氣斗覺神清思出群

岡阜穹窿起禪林窈窕開祇緣冬景好竟自夏津
來殿角撐牛斗碑文蝕蘚苔緇流百許輩迷溺亦
何哉

靈巖遊已徧又復大雲遊勝景超塵表祥光繞殿
頭鶴閒貪久睡禪老耐清脩種種題詩興斜陽尚
未休

用沈休齋壁間韻

韻四首

九皋趙鶴

四川人提學副使

天西英教過天東蕭寺雲迷有路通金碧輝煌真
絕世樓臺縹緲欲凌空九皋鶴脛時時下萬歲

龍牌處處同題壁故人今遠引獨看詩字冠才雄
挑紅柳綠鎖煙雲轉巧鶯鶯簧隔寺聞貝葉豈應爭

艷麗曇花口合遠塵氛幾多髡首空身老絕少傳
燈向夜分爲語安禪成妙果禪林方始得超群

巡行過此寺正值杏花開豎鶴隨高下閒雲任往
來風濤鳴殿鐸雨久蒼君碑苔骨次多塵斛登臨獨
快哉

來巡兩便道偶作白雲遊方外聯天外樓頭又殿
頭風搖誰辨論香火久焚脩四面無山水令人趣
勿休

又

前人

東充觀風過此中無山無水大雲叢藏輪機轉諸
天靜佛閣搖開萬法通十五梵王宮有像半千羅
漢色還空浮圖教本崇清素金壁那應到處雄

艾軒邵賢

提學副使

泰嶽西來衛水東魚丘路與上方通穹碑百尺漫
蒼蘚喬木千章聳碧空人影半隨燈影亂潮音應
與梵音同迴廊四繞黃金地寶殿栽栽扁大雄

臺殿重重護白雲座
僊樂半空聞祇園境界今
方見夢澤曾懷久已吞
方外烟霞真自得靜中風
月有誰分何時許我離
塵鞅來向青山伴鹿群

雪渙姚奎

浙江餘姚人
東昌通判

寂寂慈林蔭法雲風敲鈴鐸半空聞
步飛樓閣身猶健清落乾坤氣欲吞
蒼翠蘚苔碑脚護青黃山果樹
斯分與闌斜日登臨倦坐看晴池
散鳥群
遠過平原一水東叢林旁有小
蹊通晚陰松閣雲

光入夜靜禪房雨氣空空座有清尊留過客胸無纖
垢與僧同宦途馳逐悲遲暮落落空慚一世雄
梵宮檀形勝層閣倚雲開便道有餘興停驂試一
來鴉歸分翠柳鶴舞損蒼苔欲問三生事遠公安
在哉

宦途牢落倦名利一尋遊說法花飛兩談經石點
頭閣高宜眺望地僻好藏脩白雪休文調樗才敢
匹休

用前守李子韻

嘉靖癸巳十月二十五

判州侯

春菴馮子月

川同遊賦此

曉川張寅

直隸太倉人
高唐判官

我愛大雲寺冬來亦謾遊空門聊寄轄覺路獨登

樓白眼真成癖烏巾好上頭古今有豪傑多少樂

斯丘

遊寺

秋陂王琇

大雲雲渺渺此寺自何時松結千年秀鶴棲幾代

枝

登閣

前人

雲閣連天起法宮
四面開紅塵走幾日
今日不見清來

登閣

曉川張寅

蕭寺遙臨古潔瀆
危樓直上勢排雲
憑虛金碧諸天迥
度遠爐香盡日薰
林籟輕輕通穴竅
海霞皎皎破氤氳
望中不見長安路
腸斷兵戈溷塞聞
宿僧房

莫怪通宵寐不成難爲高會易爲分醉留蕙帳宜
陪鶴咲情苦壇豈聚蚊靜院空階憐素月短籬踈
屋怨浮雲謀生未領叅同術指點真元慰我聞

石汀王道

臨清人
監察御史

春日訪禪刹紛紛列冠蓋
岐路阻年雅共約此良
會雄飲復劇談放懷無芥蒂
散步登危閣彷彿履
雲外杳靄聞鐘鐸參差見
松檜凭欄望四郊自覺
乾坤大歸來宿僧房
高情猶未艾明月照虛窓天

風響林籟

茗東南村居士

觀風假道過招提繫馬門前日未低
說法空堂鐘磬靜憑虛高閣斗星齊
關山隱約秋鴻外城郭周遭落木西
却喜頭陀心似水小龕出定學闍黎

忠菴王弘道

霑化人
南京御史

棟宇叢開野曠中田園占壑浮屠宮
幾多年少忘身世半榻經殘悟道空
層閣凌雲百里望踈松夾

陞四時葱蒨看來民俗從佛易會用追呼達此工

兩江方元煥

臨清舉人

漸看名利近清磬隔林聞僧出秋溪合雲秋晚殿
吞容懷當景散野色傍堂分幾年車馬動暫與鹿
麋群

地主娛賓日秋風快一遊輕陰雲護筱寒影日通
樓登眺慚朱紱風塵嘆白頭覺路休長注東家自
有丘

信宿依雲榻塵煩稍覺清
杯揮籬月淡衣振栢風
輕儒墨同家法東南盡友
情紛紛諸忘滅談笑愜
平生

雜志

雜志志雜事也事之關於政教者既已大書而特書之矣然佛老之居未廬寺觀所當知也九原之死可作坵墓所當考也古今之興廢無窮古蹟又所當稽也是故摭而采之爲雜志雜志云者明異端之當外往古之當吊且以寄無窮之思也

寺觀

資佛寺

縣治北養濟院東古刹元末毀國朝求樂間脩更名彌陀凡遇聖誕長至元旦

節先期知縣率僚屬設儀仗具朝服習儀其中

千佛寺 縣治東挹陽門內街北正統間建天順正德間繼脩

觀音寺 城南一里古剎天順間脩

南臺頭寺 城西南一里古剎天順間脩

東龍泉寺 城東二十五里天順間脩

大雲寺 城東三十里唐古刹元末圯國朝洪武間建宣德正統成化間相繼增脩門樓殿

閻宏偉壯麗達人君子多登遊詩賦其中

大興寺 城東南二十五里天順間脩

玄明寺

城南二十里古刹正統間脩

西龍泉寺

城西南八里正統間建

金佛寺

城西十五里肇創未詳

露觀寺

城西北十五里

法雲寺

城西二十里正統間脩

清涼寺

城西二十里正統間建

興隆寺

城西四十里正統間脩

迴龍寺

城西四十里天順間脩

淨寧寺

城西四十里
天順間脩

地藏寺

城西南八里
天順間脩

崇興寺

城北二十五里
古刹景泰間脩

北臺頭寺

城北三十里
正統間脩

龍祥觀

城隍廟東古刹景泰
間脩成化間重脩

東嶽行祠

挹陽門外街北
洪武間建正統間脩

五龍王行祠

城西南二十里元至元間知縣王民
正建國朝天順間知縣薛正脩

武安王廟

撫按行臺東元至元間建
國朝天順間脩今春繼脩

三官廟一府署西南邑人劉珣創嘉靖戊戌歲脩

三皇廟東嶽行祠東邑民徐讓創

劉十八郎廟三皇廟東南肇創未詳

真武廟拱宸門外肇創未詳

三聖廟迎薰門外東南邑民韓成脩

靈顯真君廟西成門外社稷壇西元至順間建國朝正統天順間繼脩

墳墓

元

王氏墓

即王十萬墓在縣西二十里其子仲為御史中丞管領汴梁等路諸色民匠

劉氏墓

推官劉源墓在縣西十八里

節婦墓

馬英妻王氏在城西

國朝

陳哲墓

城東三十里

王雄墓

城東三里

朱應昌墓

城東南五里

王慶賢墓

城東北五里

古蹟

舊縣治今縣治西北隅

劉源宅即今縣治

郟城縣東北界三十里
三國侯朱靈皆此地

舊儒學今儒學前

新縣店縣西北三十里隋開皇間別置夏津于此唐羅水患徙今治

孫生鎮即新縣店
金名孫生鎮今名錦川鎮以鎮旁多水風行水上成文如錦故名

漢王廟縣西十里遺址尚存其斷碑云楚漢相持于是

霸王廟

漢王廟西北
今址臺存

箭口

漢王廟西去縣十八里俗
傳漢王射箭落此故名

托塔天王廟

縣治東今址
遺址尚存

八方塔

縣北二十五里相傳高
十二級今址遺址尚存

彌陀廢塔

即資佛寺塔縣治北高十三級成化二
年圯弘治十八年塔下掘出石擲擲內

金指指內水晶石瓶藏舍利七粒傾出異香擲上
刻太平興國八年定光佛舍利記今其塔址尚存

釣魚臺

縣東
八里

蓮花池

縣東
八里

古

井迎薰門外觀音寺東北七十餘
步相傳唐武德九年建寺時甃

夏津縣古銅牌長六寸三分廣一寸八分厚二分重一
百兩

細分鑄太平興國五年十一月鑄凡十字背大鑄
牌入印出印入牌出凡八字嘉靖十七年秋八月

掘地夫許得之者武城甲馬營李永
寧市以歸而獻者吾民許思聰也

時中曰此器古而非蹟之古也紀之蹟何曰器與

蹟雖不同其興廢一也是故取其古而附於蹟焉

若以為瑞而列之災異以為祥異志則吾豈敢則

吾豈敢

夏津縣志卷之五

終

夏津縣遺愛祠記

知縣陸山

遺愛祠者何因民之心而立之者也祠曰愛者由上以惠乎下以惠感在人心自有不容泯在沒世自有不能忘者也粵考前哲諸先生其始尹夏津也奮身歷階雖有先後遠近崇卑不同其爲惠則一而已邑之士大夫博庵州守范濟庠生王子宗器許子登等每見輒稱曰某父母某政惠某父母某政惠相繼而尹民賴以安者

百有餘年民不忍去共謀立祠肖像令我子孫
歲時俯伏拜禱祝諸父母姓裔之遐慶且風後
人予曰噫休哉民俗之良惠政之驗如是也惠
則愛愛則親親之而不能離情也嘗聞民之仰
惠於司牧也猶百穀之仰於膏雨時其惠則民
欣然時其雨則苗勃然苟爲拂其所欲則民將
怨懟潰散求爲一日之親不可得况祠乎是故
善愛民者必先去其所害害去而愛存斯爲愛

之至也如汰其夫馬之害則民力受其愛裁其
供億之害則里甲受其愛鋤其刁惡之害則良
善受其愛以至表其孝義以風民馬敦其文教
以崇道焉皆愛也盖由諸先生之定見預養於
中而經綸化裁自爲超越卓異夫豈偶然者哉
馨香一堂媲美紹烈又以見豪傑之興也何代
無之而我

朝作人之盛亦隨試而隨驗者也休哉薛先生諱

正陝西華亭人任滿百姓保留復任卒于官張
先生諱恕字希仁直隸霸州人官至南京工部
侍郎鄭先生諱陽字宗乾直隸安肅人官至都
御史張先生諱璈字廷和湖廣京山人卒于官
張先生諱翰字文卿河南中牟人官至東昌府
通判易先生諱時中字嘉會號愧虛福建晉江
人官至順天府推官王先生諱光祖字子孝號
槐軒直隸魏縣人今陞河南南道監察御史舊祠

在城隍廟之東南隅祠止三間制卑隘前無神
道可通山拜瞻之餘謂不足以尊禮也今移祠
於縣治之南殿堂三間高爽明麗墻門三間墻
門之左三間墻門之右三間左耳房三間右耳
房三間翼然煥然世享民祀高風在前仰止不
怠邑之民通觀其成大悅遂書以記

夏津縣學新開泮池記

知縣陸山

嘉靖戊午季夏三日泮池功竣廟宇神位俱飾一新布華煥彩役夫告成予曰都廢崇乎本矣庠生某人等進而言曰夏津由漢唐分縣來迄今千數百載其時學宮與縣治同設歟惟舊矣而泮池之鑿始於今日不亦完其制乎某人等又曰泮宮者諸侯會射之宮也注水於池之半曰泮記曰泮者頌也所以頌政教者也今泮池

既鑿分流蓄泉溥育道脉天光徘徊不亦制之
善乎邑大夫博庵范公省元可齋姜公碧渠劉
公等曰茲池也東接泗水西連衛津騰蛟起龍
與時變化不亦美乎予曰此以形勝言也學校
者賢才之關萬化由此而出也重其制所以重
其教也庸曰溥溥如天淵泉如淵又所以言其
心也又不專於制也夫所謂賢才者顏曾其人
乎伊周其人乎披華衣紫而玉食甲第其人乎

固在乎趨向之高下涵養之深淺成就之何如也慕古者拘趨時者糜諸子其勗哉時司訓樂山關公靈泉姚公亦與襄焉并記

時雨亭記

知縣陸山

嘉靖戊午歲孟秋三日時我

東昌太守節庵公宋老先生禱雨於夏津之南
郊知縣陸山奔走捧帛各屬惶懼奏鼓修詞籲
天而祝雨即時應滂沱四郊民大悅稽首而言

曰覆我者天也生我者太守也三月不雨苗將
枯稿幾無食我民實隱憂有傷室家恐恐思離
求食於他土豈意始而禱也烈日炎炎山石如

焚意不可雨倏而滂然雲生雷聲隱隱四起風
號樹靡電掣蛇走雨傾如注清湫一時盈滿苗
亦勃然起舞青青非復昨之垂黃倚枯越明日
再禱雨如初連雨數日苗即堅實穎好室家穎
安當斯時也耘者負鋤行者荷笠行歌互答歡
聲如雷飛鳥爭鳴野兔擊走騰躍之狀若有助
乎民之歡舞者一何樂耶遂以時雨名亭以永
其傳也嘗觀公之心先得乎天貞白而不塵皓

皓手秋月之瑩也仁慈而精密莊雅而嚴慄御
屬以恩哀窮以惠序士以禮颼颼手和風甘雨
其爲浸灌深入乎三州十五縣之民心亦已久
矣禱之而雨天人孚感之疾非理也耶向使無
食則無民無民不可以爲邑矣昔蘇文忠公守
扶風禱雨而應名其亭曰喜雨此喜以民也今
公禱雨而應名其亭曰時雨此悅以時也公之
德業文章與文忠公後先媿美故天以雨而徵

公之心也夏津非扶風也公即文忠也與亭而
永其休一也或曰湯之旱七年民尤熙熙允殖
賴湯之仁而生也由是而知未雨之前民生於
公之仁既雨之後民生於天之澤公即天也歸
功於冥冥非也公河南延津縣人真節太夫人
刁氏之子由丁未科進士發身記之者夏津知
縣平湖陸山也

夏津縣志後序

夫夏津古齊晉西女會之甸我

國朝則近省雄邑是故遺風之所自湛恩

之所先於文獻宜罔弗徵矣乃獨未志

識者謂之曠度比愧虛易公來尹毅然

作曰遠適靡道守莫辨九衢從政無稽何

以善治是直一度弗貞哉乃延諸雋杰
事事余不敏以督教亦濫受編糜既脫
簡矣因颺言於其後曰夫今郡邑志即
古列國史也紀載弗周其弊則闕綜核
弗直其弊則誣誣弊作政斯蝕矣何以
志爲於鑠是志非徒無弊而可風焉蓋

畢萃圖經周諏人士鈎稽極於散佚採
捋盡於見聞而辨方體國尚弗悉乎搜
逖索幽於故牒彰淑黜匿於庶老而攷
俗準治尚弗著乎尤秩其群槁就公正
之公乃揚擢臧否斷憑胸臆躬陪鈔槧
而筆削之汰煩裨逸易舛存可曰裨飾

汙者可隆譽於有生之日而不能蓋愆
於論定之時述事者可缺典於未考之
先而不能漏載於書成之後庶幾其實
錄哉余聞之有俛仰悲慨之心焉蓋今
之志大率踵方輿之陳迹主故常之意
見泯泯增飭以炫實畏忌以籀真公獨

執律全於是非廢貶之間而不火存溢
美非卓然高識斷之古而折諸聖者其
疇能之夫馳訓激於典存垂憲錄乎實
勝故曰有風道焉而愧虛之不可及者
可想見也已

嘉靖庚子秋菊月旣望儒學教諭王琳

謹識

東海